

INDVODZA LEBITWE

NGUNKULUNKULU

 ...Neville. Kukunincesitela nje kunimisa sikhatsi lesidze, etulu ngasetibondzeni. Futsi ngendlula ngalapha kulesinye sikhatsi sekubonana, cishe li-awa nehhafu lelendlulile, nebantfu bebasuka emnyango, besuka bahamba. Ngihlangene naBilly ngephandle lapho, futsi utsite lendzawo bese ilungele inkonzo kutsi icale, kusukela kulentsambama. Ngako ngi...Sibe nalomhlangano lomncane nje lapha. Asikaze ngisho sikufake emaphepheni endzawo. Ngako, sinesikhatsi lesincane nje senhlanganyelo.

² Futsi manje sonkhe sikhatsi kumatasa, njengoba bantfu bangaphandle kwelidolobha bebayokwati, kutsi, lapha endzaweni yasekhaya kuhlala njalo kugcuma, kugijima kusuka endzaweni kuya endzaweni, futsi ampintja. Ngako, ngitsi kukujwayela. Ngifika nje endzaweni ngize ngingakuvumeli kutsi kungikhatsate, ngangoba kungenteka. Futsi niyati, nifanele nicitse nje sikhatsi lesincanyana, futsi nifanele nibe nalesingetiwe, neNkhosi. Uma ungakwenti loko, khona-ke awuti enkonzweni nebufreshi baMoya loyiNgewelete. Futsi uma ungena, njengoba bekunjalo namuhla, lapho bekukadze kungulokunye lobukhulu nje, bukhatikhathi lobukhulu, yebo-ke, kutsi kubalukhuni ngalesinye sikhatsi kimi kutsi ngingene, kutsi ngingekho nje ekuncintekeni lokuncane nekufuca, niyabona, futsi ngitiphatse kabi. Uma ngenta loko, khona-ke angikhoni nje kutfola Moya loyiNgewelete nomakuphi kuko.

³ Ngako, ngiyadzabuka, noko, ngebantfu labema e—etikhaheleni tetitulo nangaphandle. Futsi benyuka, babuke ngekhatsi, bangena emotweni yabo bese babuyela emuva. Bengifuna kutfola sikolwa lesiphakeme entasi lapha, kutsi ngibambe nje umhlangano webusuku lobumbalwa, kodvwa sikolwa siyachubeka kulesikhatsi lesi, futsi kutsi kuba matima kimi kusitfola ngaleso sikhatsi. Kodvwa ngifuna kusho kutsi ngitfokotela ngamunye ngamunye wenu, ngekhatsi nangaphandle, nangelubambiswano lwenu loluhle, nangako konkhe lenikwentile.

⁴ Futsi manje ekuseni, kuSontfo sikolwa, ngibonge bantfu nganca yemnikelo lenginikwe wona itolo ebusuku, lobekungumnikelo lobewungakacelwa. Ecinisweni, ngitjеле umelusi lapha, umfundisi wetfu lotsandzekako, uMnaketfu Neville, kanye nabo, nginganconota kutsi bangakwenti loko. Kodvwa bakwentile, nomakunjalo, ngako bengifuna nje kubika

ngako. Manje, lena yindzawo lencane, futsi ingeke ihlale ngetulu kwebantfu labangemakhulu lamatsatfu, angicabangi. Nalomnikelo wawungemakhulu lamatsatfu nemashumi lamabili nakune emadola, lokuchaza kutsi balinganise cishe lidola umuntfu amunye. Lowo ngumnikelo lomuhle kakhulu lengake ngawuniketa emphilweni yami, kulelinani lelingaka lebantfu. Ngalokwejwayelekile, itolinganiselwa cishe emasentini langemashumi lamabili nakune umuntfu ngamunye, emashumi lamabili nesihlanu. Emasenti langemashumi lamabili nesikhombisa ngumnikelo lomkhulu, kumuntfu. Kodvwa lona silinganise lidola umuntfu. Futsi impela ngiyakutfokotela loko.

⁵ Futsi mhlawumbe angikatfoli, manje ekuseni, kuvakalisa kulabanye benu. Sitfole ijeli, libhokisi lemajeli libekwe etitebhisi, netipho letincane titfunyelwe kitsi. Umkami nami sifisa kuvakalisa kubonga kwetfu kini nine bantfu. Futsi nginesiciniseko kutsi ngekwati kwetfu konkhe kutsi kanjani, konkhe kwako kweMbuso waNkulunkulu.

⁶ Futsi kungenta ngitivele nje kwangatsi ngifisa kwangatsi ngabe benginendzawo lenkhulu kakhulu lapho singachubeka nje sikhatsi lesidze futsi sishumayele kubantfu. Kodvwa ngisho nakusihlwa, emvakwalenkonzo, ngifanele ngihambe. Lokukutsi, ngingeke ngikhone kuhamba kusihlwa, kodvwa ekuseni kakhulu, kutsi ngihambe.

⁷ Ngibuya ngeMgcibelo lotako ebusuku. Ngisuke ngeliSontfo ekuseni, futsi, ngiya eColorado. Futsi nje lomunye emvakwalomunye ngco, ahamba.

⁸ Bese-ke umhlangano wami wangesheya kwetilwandle lolandzelako uta ngaBhimbidvwane, lose-Australia naseNew Zealand, nekwendlula lapho. Manje, ngifuna ningikhulekele. Ngiyifisa impela imikhuleko yenu.

⁹ Futsi-ke ngifuna ku...sonkhe sifanele kubonga kuNkulunkulu Somandla, Losentele tintfo letinkhulu kanje kulomhlangano lomncane. Ngiyakholwa, kulelinani lesikhatsi, kube malekunengi lokwentiwe kulomhlangano kunanoma ngumuphi umhlangano lengake ngawubamba emphilweni yami kulelitabernakeli. INkhosi yavele yabonakala nje ivula tibusiso.

¹⁰ Ngicabangile, mhlawumbe, kusachubeka lomhlangano, kutsi kusukela embonweni lengibe nawo, kutsi inkonzo yami itoguculwa ibe ncono nenkonzo lenkhulu. Manje, kutokwenteka ngalokucinisekile nje njengoba nine bantfu nitivile leti letinye tinkonzo letintsatfu letabiketelwa, noma leti letinye letimbili. Lena yinye itoba kanjalo nje, yinkhulu kuphela. Kodvwa busuku bekucala, ngibite bantfu nje etulu lapha e-altari, ngabuyela ngco ekuboneni lokufihi lakele. Busuku besibili, ngibatsetse ngabafaka ekamelweni, ngacondza ngco ekuboneni lokufihi lakele. Futsi busuku lobubili lobendlulile, ke, sibaletse lapha ngembili, kucondza ngco kulokufihi lakele nje.

¹¹ Kodvwa nje kubika letinye tintfo letitsite, umfundisi loyimphumphutse wemukele kubona kwakhe langembili.

¹² Nemantfombatane lamabili lamancane, itolo ebusuku, ahleti esitulwени semasondvo, netifo lokungekho muntfu lowatiko kutsi bekuyini, akukho dokotela. Tinyawo tabo betitinkhulu kakhulu, netintwane tabo tivitsika, imino ivitsika, futsi akukho lutfo lobewungabentela lona. Futsi ngesikhatsi nje Moya asagcoba, ngiye ngale, naseGameni leNkhosi Jesu, ngacalekisa lesosifo, futsi basukuma esitulwени semasondvo bahamba. Futsi manje ekuseni, bahambahamba lapha etabernakeli, njenganoma ngumuphi lomunye umntfwana, futsi weta ngalapha futsi wabhabhatiswa ngembhabhatiso wemaKhristu, khona lapha echibini, manje ekuseni.

¹³ Ngesikhatsi, ngisenemizuzu lembalwa yekudadisha, esikhashaneni lesendlulile, futsi bekunalabanye bebangani bami, UMnaketu Hoover, umfundisi lovela entasi eKentucky, usandza kwendlula nje futsi washiya ligama kumkami, kutsi itolo ebusuku ekubiteni lilayini, ngephandle etetsamelini, besifazane lebebangenawo emakhadi ekukhulekelwa noma yini, bahleti nje ngephandle lapho bakhuleka. Futsi bekukadze kunewesifazane munye lobekangakase adle cishe, ngiyakhohlwa kutsi sikhatsi lesidze kangakanani, kudla; timila esiswini sakhe, tonkhe tigcwele nswi. NeNkhosi yambita futsi yamphilisa. Futsi manje ekuseni usukumile futsi wadla kudla kwasekuseni lokwejwayelekile nje, futsi ukhona lapha ndzawanatsite kusihlwa.

¹⁴ Futsi labanye, lebekaccoca ngako, futsi, o, sikhatsi besingeke sivume, ngetintfo iNkhosi yetfu letentile. Ngako, kitsi, loko kuyasikhutsata kwati nje kutsi kusondzele, kuhona lokulungiselela kwenteka, lokukhulu.

¹⁵ Itolo kusihlwa, emvakwenkonzo, emvakweMlayeto, Angikaze nomangasiphi sikhatsi ngike ngibone Moya loyiNgewe ake agcobe bantfu noma ngukuphi lokukhulu kunaloko Lakwente itolo ebusuku. Sibuke embili kulokunye, kusihlwa. Futsi manje ningikhulekele.

¹⁶ Futsi ngifuna kufundza lelinye leLivi laNkulunkulu lelibusisiwe. Futsi ngaphambi kwekutsi sifundze Livi, asesikhulume naYe nje, tinhloko tetfu tikhotseme umzuzwana nje.

¹⁷ Babe loseZulwini Lotsandzekako, sita kuWe kusihlwa, mhlawumbe sitsite kukhatsala kancane nje emtimbeni, kodywa, o, imimoya yetfu ihlumeleliswa kanjani pho! Tibonakaliso taNkulunkulu lophilako, kutsi Ukanye natsi, futsi uyasibusisa, futsi usinika loko Lakwetsembisa, ngalokwecile, nalokucicimako, ngetulu kwako konkhe lesingakwenta noma sikucabange. Futsi uma sitfole umusa ebusweni baKho, ngekukholwa eNdvodzaneni yaKho, iNkhosi Jesu, sitocela

kusihlwa kutsi Utosivakashela futsi ngalokuphindvwe kabiili kwaMoya waKho. Kwangatsi Angatfulululwa ngemandla lamakhulu netilinganiso kuwo wonkhe umuntfu lapha, kukholwa liVangeli nekwemukela eMandla aMoya loyiNgcwele etimphilweni tabo. Sindzisa labo labasindzisekako kusihlwa, Nkhosi, futsi upholise labo labalungele kophiliswa. Siphe kona, Nkhosi.

¹⁸ Futsi njengoba sibona bantfu bacindzetela ekhatsi, beme eminyango, emakhulu ajikiswa kulelibandla lelincane, kusikhumbuta kutsi Jesu Khristu unguye itolo, namuhla, naphakadze. Kutsi, ngetinsuku ngesikhatsi Asivakashela lapha asesimeni senyama, sive sasisikhulu kakhulu, bebangakhoni ngisho nekufinyelela kuYe nemuntfu logulako, futsi kwabita kutsi bamngenise ngeluphahla lwesakhiwo. Futsi siyakhuleka, Nkulunkulu, kutsi kusihlwa, kutsi wonkhe umuntfu lotofanele acindzetele ngalendlela utawuba nemvuzo njengoba lowomuntfu abanawo.

¹⁹ Busisa Livi laKho njengoba siLifundza. Futsi kwangatsi Lingaba siBane, kuKhanya endleleni yetfu. Ngoba sikucela eGameni laJesu. Amen.

²⁰ [Lomunye ukhulumma neMnaketfu Branham—Umhl.] Cha. Rosella Griffith? ["Yebo."]

²¹ Ngisandza kubikelwa nyalo nje kutsi lentfombatane lebengiyibile manje ekuseni...sidzakwa lesasibitele ngephandle emhlanganweni eChicago. Kwakukutsi bekahleti kuvulande losesitezi ngesikhatsi Moya loyiNgcwele akhulumna naye futsi watsi bekasidzakwa. Nabodokotela labakhulu labasihlanu baseChicago bese baphonse lithawula ngaye. I-Alcohol Synonymous bese imdzelile. Futsi wabitelwa ngephandle, nga ISHO KANJE INKHOSI. Waphiliswa. Akazange sekaphindze abukhanuke tjiwala kusukela ngalesosikhatsi kuchubeke.

²² Nalomunye dzadze lomncane etulu kuvulande losesitezi ngetulu kwakhe, lobekangumngani wakhe, lebebaahlala naye eDolobheni iCalumet. Uma noma ngubani ati kutsi loko kuyini, lowo ngumncele lapho kukubi kakhu lu khona kwendlula iParis, eFrance, lonkhe luhlobo lwebubi lolwentekako. Futsi wamtjela kutsi bekangumtsengise wetidzakamizwa, futsi bekangumdansi ku-Fred Astaire. Futsi uyise kwamenyanyisa. Kodvwa wasukuma wase utsi, "Babe, lendvodza ikahle impela." Lowesifazane manje sewushadile, lentfombatanya, futsi isemgwacweni wayo, ngephandle nemyeni wayo, ishumayela liVangeli.

²³ Rosella usitfunywa senkholo, kuyoyonkhe inkonzo yasejеле nako konkhe langangena kuko, atjela tidzakwa kutsi kunelitsema, nalelo likuKhristu.

²⁴ Abengumtfwalo kakhulu impela kubabe wakhe. Kungesiko nje kutsanti, ngemzuzu lelishumi, ingcogciswano yangansense, lentfombatane beyisolo iyesekela impela imihlangano, kuleminyaka lemine noma lesihlanu leyendlulile, kutsi yangitjela, embikweni lomncane wemzuzu lelishumi, ngephandle encoleni, engcogcisaneni, leyatsi, “Mnaketfu Branham, nomayini loyentako, nginemtfwalo kabi ngababe wami. Uyakutsandza, kodvwa nje akafuni kuta kuKhristu.”

²⁵ Ngatsi, “Rosella, Nkulunkulu uyati kutsi kwentiwa kanjani loko. Uyati kutsi angamenta kanjani akwente.”

²⁶ Futsi tindzaba tiyefika manje kutsi ugcibedzelwe ngaphansi kwemtfwalo wemoto welitje lelimunyu. Asesimkhulekele.

²⁷ Nkholosi, kulowomlomo waleyondvodzakati leyetsembekile, futsi yena abambekile phansi lapho, longafa nekuwa ngaphansi kwawo; Nkulunkulu, phani kutsi angafi, kodvwa umphefumulo wakhe utobuka etulu futsi khumbula kutsi Wena unguNkulunkulu Longaphendvula umkhuleko ngaphansi kwalendvundvuma yelitje lelimunyu, ngalokufanako nje njengoba Wakhona kukwenta esiswini semkhome, noma esithandweni semlilo, noma emgodzini lonemabhubes. Usasolo ufana nje. Mletse abuye, Nkholosi, angumKhristu logeziwe. Siyati kutsi tonkhe tintfo tisebentelana tibe ngulokuhle kulabo labaKutsandzako. Futsi sikhulekela kutsi loku kutoba ngulokunye kwaletotintfo, njengoba sikunikela kuWe, eGameni laJesu. Amen.

²⁸ Ekufundvwensi kweLivi kusihlwa, eNcwadzini yemaKhosi esiBili, ngifisa kufundza esahlukweni 2, kwesihloko lesincane nje, kutfola ingcikitsi, Nkulunkulu atsandza.

Futsi kwase kuyenteka, kutsi lapho iNKHOSI iyotsatsa Eliya imyise ezulwini ngesihhushuhhushane, kutsi Eliya wahamba na-Elisha waseGigali.

Na-Eliya watsi ku-Elisha, Lindza lapha wena, ngiyakuncenga; ngoba iNKHOSI ingitfumele eBetheli. Futsi Eliya watsi kuye, Njengoba iNKHOSI iphila, futsi njengoba umphefumulo wakho uphila, ngeke ngikushiye. Ngako behlela entasi eBetheli.

Nemadvodzana ebaprofethi...bekalapho eBetheli aphumela ku-Elisha, futsi atsi kuye, Uyati yini kutsi iNKHOSI itoyisusa lenkhosi yakho enhloko yakho namuhla? Futsi yatsi, Ya, ngiyakwati; bamba...thulani.

Futsi Eliya watsi kuye, Elisha, hlala lapha, ngiyakuncenga; ngoba iNKHOSI ingitfume eJerikho. Wase utsi, Njengoba iNKHOSI iphila, futsi njengoba umphefumulo wakho uphila, ngingeke ngikushiye. Ngako bahamba baya eJerikho.

Nemadvodzana emprofethi...bekalapho eJerikho eta ku-Elisha, futsi atsi kuye, Uyati yini kutsi iNKHOSI iyosusa inkhosiyakho enhloko yakho namuhla na? Futsi waphendvula, Ya, ngiyakwati; bamba...thulani.

Futsi Eliya watsi kuye, Lindza lapha, ngiyakuncenga, ngoba iNKHOSI ingitfumele eJordani. Wase utsi, Njengoba iNkhosi iphila,...njengoba umphefumulo wakho uphila, ngingeke ngikushiye. Futsi bona bobabili bachubekela embili.

²⁹ Kwangatsi iNkhosi ingeneta tibusiso taYo eVini laYo. Sifundvo sami sakusihlwa sitsi: *Indvodza Lebitwe nguNkulunkulu*. Futsi ngitotama nje kuba mfisha ngangoba ngingakhona, ngoba sinelilayini lelikhulu lalabakhulekelwako lelitako emizuzwini lembalwa nje, kodvwa, kuninika kubuka lokuncane nje kuletikhatsi lesiphila kuto.

³⁰ Siyakuva lokukhala emsakatweni, nasetindzaweni letehlukene, futsi kuvela etinhlityweni leticotfo, “Nkhosi, siphe imvuselelo ngesikhatsi setfu.” Futsi kusuka etincwadzini letivelala kumaKhristu emhlabeni jikelele, siyakuva loko kukhala, futsi kwenta lokutsite enhlityweni yakho. Kuyakhutsata. Kufakana lugcozi. Kuyaphilisa, emphefumulweni, kuva bantfu beNkhosi babita imvuselelo.

³¹ Futsi Nkulunkulu wenta setsembiso, “Uma bantfu lababitwa ngeliGama laMi bayobutsana ndzawonye futsi bakhuleke, khona-ke Ngiyokuva ngiseZulwini.”

³² Futsi ngako tsine, kusihlwa, sifuna kucabanga ngaloko. Futsi khumbulani, kutsi, emkhatsini wako konkhe lokukhala loku, Nkulunkulu angeke atfumele imvuselelo aze Abe nebantfu labasesimeni sekuyitsatsa. Singeke sibe nemvuselelo size sitfole emadvodza, emadvodza labitwe nguNkulunkulu, emadvodza laceceshwé nguNkulunkulu, longakaceceshwá etikolweni tesayensi yetenkholo nangemfundvo, kodvwa emadvodza lamadlakadlaka ekukholwa, lawo Nkulunkulu lawakhulisile esikolweni saKhe sekucecesha lesimadlakadlaka. Emadvodza langesabi kubhekana nemlilo! Emadvodza lefike eBukhoneni baNkulunkulu; futsi ati emandla aKhe, futsi ati emandla onkhe aKhe, futsi ati emandla aKhe ekuphilisa! Lamanye emadvodza laceceshelwe kwati Nkulunkulu lophilako! Kulungile kubacecesha ngeLivi, kodvwa, “Incwadzi iyabulala; uMoya uniketa kuPhila.”

³³ Futsi ngaphambi kwekutsi sibe nalemvuselelo, Nkulunkulu utofanele abite futsi aceceshe emadvodza, emadvodza laceceshwé nguNkulunkulu, kutfwala loMlayeto. Futsi akanandzaba kutsi kuphikisa kuni lokukhona. Ayavuma kuya esithandweni semlilo ekwehlulweni, noma nasemgodzini wemabhubesí, noma kungaba kuphi. Alungele kuhamba, ngoba abesebuKhonení baNkulunkulu, futsi ayati kutsi Ukhona.

Nomangabe kusekuncobeni noma kwehlulwa, asaloku eme ngalokufanako. Ngulolohlobo lwekucecesha Nkulunkulu laleta kubantfu. Futsi kusimanga impela kucabanga kutsi Nkulunkulu angenta loko, kutsi Nkulunkulu uticeceshela emadvodza aKhe kanjalo, kodvwa Uyakwenta. Niyati, sineliculo lelidzala lesilihlabelako:

Labanye bendlula emantini, labanye bendlula
etikhukhuleni,
labanye bendlula etivivinyweni letijulile,
kodvwa bonkhe bendlula eNgatini.

³⁴ Nkulunkulu uhola bantfu baKhe bendlule etivivinyweni letinkhulu, kubahlanta. Futsi ngalesinye sikhatsi kutsatsa iminyaka kukwenta. Futsi njengami lucobo, kusihlwa, ngyiakukholwa loko khona manje Nkulunkulu ucecesha emadvodza lanjalo kutsi ahlangane nelilayini lelingembili, emadvodza lendlula, futsi, sikhatsi, atamatama kusuka etinyaweni tawo. Ngaletinye tikhatsi kubukeka kwangatsi yonkhe lentfo iyawa, kodvwa noko, emkhatsini wako konkhe, bayamati lowoNkulunkulu lophilako futsi bagcine buso babo bubheke embili, basolo bachubeka.

³⁵ Futsi bantfu labanengi bakhulekela imvuselelo, Angati noma bakhona yini ngaletinye tikhatsi, uma labo labakhulekako, uma imikhuleko yabo lucobo ayimisi yini imitfombo yetibusiso. Uma banebugwala futsi besaba kwetsema Nkulunkulu, besaba kuMtsatsa eVini laKhe, besaba kukholwa kutsi Usaphila namuhla, libe liBhayibheli laKhe lisho ngalokucacile, kutsi, “Unguye itolo, namuhla, naphakadze.”

³⁶ Nkulunkulu akabiti, kulivelakancane impela, kutsi abite emadvodza lakhaliphile, lafundzile, sihlakaniphi. Badlala incenyenye yabo, futsi bangemadvodza lamakhulu. Kodvwa ngalokwejwayelekile uma Nkulunkulu afuna umsebenti wentiwe, Utfola umuntfu lokulukhuni kwati bo ABC bakhe. Hlolani imiBhalo. Bukani emilandvweni. Emadvodza lafinyelele entfweni letsite naNkulunkulu bekangesiwo emadvodza lebekanetimfundvo letinkhulu, kodvwa emadvodza la, yeboke, lebekangenamfundvo, kuphela sifiso enhlitiywени yabo kukhonta Nkulunkulu. Watfola umlimi, umelusi, umdwebi, umtingeli, labo lebebaphila emvelwени. Kuloko kuthula nekubindza kwemvelo, lapho Nkulunkulu bekakhulumna nabo khona. Futsi nguLubo Lababitile.

³⁷ Futsi uma batfola loko, uma Aniketa lubito kulesikhulu sihlakaniphi, lowomuntfu ekugcineni ubuyela emuva emizindlweni yakhe yekuhlakanipha. Futsi emvakwesikhashana, uma sekufika ekusebenteni lengcayizivele, uhlanganiswe kakhulu nebantfu belive, kwemukela lokunjalo. Ngako-ke, ekugcineni uphumela ehlelweni, bese uyachubeka

futsi ente umfundisi. Futsi loko kulungile, futsi angikamelani ngalutfo nalowomuntfu loyokwenta loko.

³⁸ Kodvwa uma Nkulunkulu sekalungiselela kwenta lokutsite emazingeni langetulu kwemvelo, Uvamise kutfola umuntfu Langabeka litsema laKhe kuye, futsi amgcobe bese uyamtfumela, futsi akesabi kulomsebenti. Ngulolohlobo lwemadvodza lesiludzingako namuhla; hhayi tifundziswa letipolishiwe, kodvwa emadvodza lati Nkulunkulu eMandleni ekuvuka kwaKhe.

³⁹ Kwenta sibonelo nje, kwakunendvodza eBhayibhelini, lebitwa ngaMosi, leyayitfole konkhe kuceceshwa kwayo. Beyiyati yonkhe isayensi yetenkholo. Bekati yonkhe intfo lafanele ayati. Yena...Kube bekadzinga noma nguyiphimfundvo, bekangafundzisa emakhosi aka-Israyeli, noma, eGibhithe. Akadzinganga ngisho nayinye intfo. NeliBhayibheliliyasitjela kutsi wafundza kuko konkhe kuhlakanipha kwemaGibhithe. Ngani, bekakhona kufundzisa tifundziswatabo. Bekakhona kufundzisa bososayensi babo, tintfo. Bekaceceshekile kuko konkhe, uma sekutiwa ekuhlakanipheni. Kodvwa, noko, kwabita Nkulunkulu iminyaka lengemashumi lamane kushaya konkhe loko kuphume kuye, ngephandle lapho etihlabatsini. Futsi lapho sekatfole yonkhe imicondvoyakhe yetihlakaniphi yaNkulunkulu yakushaya yakukhipha kuye, ngephandle lapho etihlabatsini, lensimbi yase ilungele kubunjwa.

⁴⁰ Nguleyondlela Nkulunkulu latsatsa ngayo emadvodza aKhe futsi ashaye akhiphe konkhe kwesaba kwawo nako konkhe kuhlakanipha kwawo, bese-ke iNkhosi yeMbumbi ibabeka esondvweni bese icala kubabumba futsi. Emadvodza emsebenti, lafanelekile! Yindvodza yaNkulunkulu. Ngubani lobekangacecesha umuntfu ngetulu kwaNkulunkulu cobolwaKhe? Bukisisani indlela Labacecesha ngayo.

⁴¹ Besingacabanga futsi ngalomunye, ligama lakhe nguDavid. Nkulunkulu bekacecesha Davide ngesikhatsi asengumfanyana nje. Umprofethi Samuweli uyakhuphuka futsi watsela emafutsa enhloko yakhe, futsi wamgcoba, ngoba Nkulunkulu bekatocecesha Davide kutsi abe lichawe lelinemandla. Futsi bukani kuceceshwa Lamnika kona.

⁴² Bengifundza, esikhatsini lesitsite lesendlulile, enhla lapha eGreen's Mill, lapho ngalokuvamile ngiya kuyokhuleka, lapho Nkulunkulu atsi kuDavide, "Ngikutsatse emhlambini wetimvu, ekulandzeleni letotimvu letimbawla tababe wakho ngephandle lapho, futsi ngakwenta ligama lelikhulu njengemadvodzalamakhulu emhlaba."

⁴³ Futsi ngicabanga ngekuceceshwa lokumadlakadlaka Lakwenta kuDavide. Akazange amfundzise kangako esikolweni lesitsite, kodvwa Wamfundzisa esikolweni saKhe lucobo. Davide

bekangumtingeli nemelusi. Futsi eTihlabelelweni wabhala ngemadlelo laluhlata lanemtfunti futsi nemanti lamnandzi, ngoba bekalapho yedvwa, ayedvwana. Bekangakangcoliswa tintfo telive.

⁴⁴ Nkulunkulu udzingeka asuse umuntfu etintfweni telive, kute Amthulise, kute alalele Nkulunkulu, leloPhimbo lelincane, leliphansi. Khona-ke, uma ake wachumana naNkulunkulu, uba ngulongesabi ke. Caphelani kutsi akanandzaba kutsi bani utsini; bekaseBukhoneni baNkulunkulu. Uyamati Nkulunkulu eMandleni ekuvuka kwaKhe.

⁴⁵ Futsi-ke, Davide, siyambona. Ngalelinye lilanga, Nkulunkulu wavumela libhele kutsi lingene futsi litsatse lenye yetimvu takhe. Davide wavele watsatsela nje emvakwalelobhele. Akungabateki kodywa loko lakukhulekela, ngoba kamuvanyana wavuma kuko. Futsi wakhuleka futsi wacela Nkulunkulu. Bekangumnakekeli waleyomvu. Bekangeke alahlekelwe nguleyomvu. Futsi ufanele asindzise leyomvu, nomu kubitani. Futsi watsatsa ngekuphutfuma sidubulelo sakhe lesincane, wase utsatsela emvakwalelobhele futsi walibulala. Ufanele asindzise leyomvu. Niyabona kutsi Nkulunkulu bekamceceshela ini?

⁴⁶ Nkulunkulu ufunu belusi baKhe kutsi basindzise imvu, kungakhatsaleki kutsi ufanele abitwe naloko lafanele endlule kuko. Sindzisa letotimvu!

⁴⁷ Khona-ke Ubuna kutsi Davide bekalichawe etikwalelibhele, ngako Wavele nje wavusa emandla alesilwane kakhudlwana, futsi Watfumela liwundlu... libhubesi ekhatsi lase litsatsa lenye yemawundlu.

⁴⁸ Nelihubesil silwane lesinelulaka lolubi. O, e-Africa, ngesikhatsi ngiwatingela... Libhubesi lingabulala emadvodza lalishumi ngaphambi kwekutsi utsi, "Jack Robinson." O, lesinemandla, silwane lesikhulu! Ngekubhodla lokukhulu nje futsi, nje, bantfu bayacotfulwa. Futsi lowo lofa ngaphansi kwemandla elihubesil akakuva kwasakulimala. Kukwetfuka lokukhulu nje, kuva loko kubhodla njengoba likuniketa. Letotinyawo letinkhulukati kangaka, ngemzuzwana nje, lidzabule idazini yemadvodza.

⁴⁹ Nekucabanga, ngemfana lomncane! LiBhayibheli latsi beka "bovana." Loko kusho kutsi bekayi... umfo lomncanyana nje, nesidubulelo lesincane. Niyati kutsi kuyini, sicephu lesincane sesikhumba nentsambo eluhlangotsini ngalunye. Nelihubesil lelilambile, leselivele linekunambitsa kwengati emlonyen'i walo, ligijimela ekhatsi libambe imvu. Davide wabuka etulu kuNkulunkulu, wase utsi, "Ngingeke ngilahlekelwe nguleyo. Ngisite, Nkhosi." Futsi washaya lelibhubesi walilahla phansi, ngesidubulelo. Futsi ngesikhatsi libhubesi limvukela limelana naye, lowomfana lomncane, nelihubesil lisindza cishe emakhilogremu langemakhulu lamabili nesihlanu, nomu

ngetulu, lowomfana lomcane asindza mhlawumbe emashumi lamatsatfu noma emashumi lamatsatfu nesihlanu. Wadvonsa, ebhandeni lakhe lelincane, umukhwa. Futsi ngesikhatsi lelibhubesi livuka, lebelingabulala emadvodza lalishumi ngetimpahama letimbadlwana nje, wabamba lelibhubesi ngesilevu walibulala.

⁵⁰ Sibindzi! Nkulunkulu akawafuni emagwala. Angeke akusebentise uma wesaba kutsatsa Livi laKhe futsi uMkholwe. Ufuna emadvodza langemachawe, angeke anake lutfo ngaphandle kwaloko lokushiwu yiNkhosi. Ngulolohlobo Lafanele ahambe nalo. Kungakhatsaleki kutsi libandla litsini, kutsi umelusi utsini, kutsi libandla limele ini; umele Nkulunkulu nekulunga, neLivi laKhe. Lawo ngemadvodza lesi... Nkulunkulu utotfumela kuletinsuku imvuselelo yaKhe bantfu baKhe labayikhulekelako.

⁵¹ Kamuva eminyakeni, ngesikhatsi enyukela kuyohlangana nabomnakabo emphini, kwakunesichwaga lesidzala lesikhulu etulu lapho, imino lengema-intji lalishumi nakune. Futsi besichosha, futsi satsi, “Manje ake kute umuntfu alwe nami. Uma ningangibhacabula, ngitotinikela, futsi ngalapha nangalapha, natsi sitokhonta.” Noma ngabe ngubani lotinikelako, kusobala, utoba nguye lowehlulekako.

⁵² Nguleyondlela develi latsandza kukwenta ngayo. Uma acabanga kutsi usematfubeni lamahle kunawe, utokutjela, “Ungeke uphunyuuke ngaloko. Ungeke ushumayele kophilisa kwaNkulunkulu ebandleni leMethodisti, libandla leBaptisti.” Yebo-ke, nine bashumayeli beMethodisti asenibambe nje Nkulunkulu ngalesinye sikhatsi, futsi nitfole kutsi ningakwenta yini noma cha. Uh-huh. Angeke uze ukwente ngesayensi yakho yetenkholo lebayifundzisako. Utofanele utfole kubamba Nkulunkulu futsi wati kutsi Uyaphila.

⁵³ Batsi, “Bantfu bePhentekhostali.” Eminyakeni lembalwa leyendlulile, kwakunesicuku sebantfu sime ekoneni, kungekho ngisho ne—nesakhiwo lebebangafinyelela kuso. Kodvwa nilifundzile liphephabhuku *iLife*, ngalelelinye lilanga, kutsi batsini ngabo na? Ingulenye yetingcayizivele lomnyaka lowake watati, kuvuka kwelibandla lePhentekhostali. Impela. “Futsi bakhicita labanengi labaphendvukile ngemnyaka munye kunawo onkhe emabandla lakkentako, ahlanganiswe ndzawonye.” Nguloko liphephabhuku *iLife* lelakusho. Ngani na? Bangahle bahlangahlangane ngaletinye tintfo, kodvwa, mnaketfu, bangemachawe; beme ngephandle lapho, basondzelelane, futsi babite lokumnyama ngekutsi “kumnyama” nalokumhlophe ngekutsi “kumhlophe.” Uma lemvuselelo ekugcineni seyibhoboka, itobhoboka emkhatsini wabo. Bukisisani futsi nibone kutsi ayikwenti yini. Bayotfola kucondziswa, ngalolunye lwaletinsuku leti.

⁵⁴ Futsi, Davide. Ngesikhatsi Sawula amfaka sembatfo sakhe semphi, futsi watsi, “Davide, uma utolwa nalesichwaga,” watsi, “ngani, awusilutfo ngaphandle kwemfana, umncane nje, futsi bekakadze alichawe kusukela ebusheni bakhe, ungalwa kanjani naye wena?”

⁵⁵ Lalelani loDavid lomncane. Niyabona, akazange akusho kanjena, “Sawula, mhlonishwa, mnumzane. Babe wami wangitfumela esikolweni leshlelelekile, ekolishi, sikolwa lesiphakeme. Ngine Ph.D. Ngi—ngi—ngihlomele kwenta loku. Ngiyindvodza lekhaliphile.” Akazange akusho kanjalo.

⁵⁶ Watsi, “Nkhosi yami,” watsi, “ngesikhatsi ngeluse timvu tababe wami ngaleya, libhele langena futsi latsatsa yinye, futsi ngalibulala. Nelibhubesi langena lase litsatsa linye, futsi ngalishaya ngalilahla phansi. Futsi ngesikhatsi livuka, ngalibulala.” Wase utsi, “LoNkulunkulu lowangephula etidladieni telibhele nelibhubesi, angangikhulula futsi angikhiphe kuletotandla talowo mFilisti longakasoki.” Indvodza lececeshwe nguNkulunkulu!

⁵⁷ Nako kume Sawula nako konkhe kuceceshwa umuntfu lebekangaba nako, kwati kutsi angalwa kanjani. Davide bekangati lutfo ngenkemba. Bekangati lutfo ngelihawu. Yeboke, Sawula wahamba wase umgcokisa sivikelo sakhe semphi lesikhulu, naDavide lomncane bekemile acishe anetigwece. Batfola kutsi ivesi yakhe yebufundisi yayingameneli lomuntfu waNkulunkulu; yavele yamsitila nje. Futsi tonkhe tivumokholo tetfu netintfo tingeke tifanelane nemathulusi aNkulunkulu ngaleya.

⁵⁸ O, singachubeka kanjalo sichubeke, futsi sisho labanengi, balabanengi labehlukene. Kodvwa, sicondze ngco esihlokweni setfu, kusheshisa.

⁵⁹ Eliya bekasaguga, futsi bekti kutsi kungeke kusaba sikhatsi lesidze kutsi awushiye lomhlaba. Futsi Nkulunkulu bekatfole umuntfu lobekayindvodza leyetsembekile, leyo kwakuyindvodza lelungile. Ligama lakhe kwakungu-Elisha. Manje, uma nitocaphela, ligama lalelenye ngu-Eliya nalelelinye ngu-Elisha.

⁶⁰ Manje, akazange ehlele etimeni, nakanjalonjalo, futsi wahamba watfola etikolweni tesayensi yetenkholo, futsi etulu etikolweni letinkhulu taleti tinsuku. Wentani na? Waphumela ensimini futsi watfola umuntfu alima ngetinkhabi letilishumi nakubili letiboshelwe. Ini? Elisha, lona lobekalima, bekti kutsi litsakaselwa kanjani lilayini lelicondzile. Futsi bekti kutsi uma bekajika kutsi abuke emuva, bekatontjikita aphume emgwacwensi. Futsi Nkulunkulu bekti kutsi umuntfu lobekakwati kulima umsele ucondze, bekangakwati kutsi abeke tandla takhe ekhubeni futsi aze agucuke abuke emuva. Akazange alindze wate watfola imfundvo yakhe,

ijikita emgwacweni. Wavele nje wabulala inkhabi futsi wenta umhlatjelo, wase uyesuka ulandzelana na-Eliya, kwatsi nje masinyane leyosholi ingefika kuye. Bekasalungele, atsandza. Nkulunkulu bekti kutsi Bekangamenta akhone.

⁶¹ Manje, Nkulunkulu utofanele amnike kuceceshwa lokutsite. Bekakadze aceceshwa kutsi agcine kanjani emehlo akhe asemseleli welikhuba, netinkhabi letiboshelwe letilishumi nakubili, nendvodza iyinye lelima ngato. Wamfundzisa kubeketela lokutsite, nekutsi ubeketela kanjani, futsi wacecesha letotinkhabi kutsi tihambe emgceni ngco.

⁶² Bekafanele aceceshe lamanye emadvodza, kamuva; awagcine eBhayibhelini, eVini, asemgceni naNkulunkulu, ahiale ngco elayinini.

⁶³ Futsi, ke, ngisho naNkulunkulu wadzingeka amfundzise kancanyana. Watsi, “Manje hlala lapha, ngoba ngiya ngale e—eGulgali. INkhosi ingibitile.”

⁶⁴ Futsi lomprofethi, emvakwekuba sekawevile lawoMandla etikwakhe, leyongubo ya-Eliya, watsi, “Njengoba iNkhosi iphila, nemphefumulo wakho uphila, ngingeke ngikushiye.”

⁶⁵ Wachubekela eGulgali, lekuyi—yindzawo yekuvuma kwemKhristu nembabhatiso. Wase-ke utsi, “Hlala lapha manje. Loku kuhle ngalokwenele. Wente kuvuma nembabhatiso. Loku kuhle ngalokwenele. Ngiya enhla eBetheli,” lokuchaza kutsi, “indlu yaNkulunkulu.”

⁶⁶ Manje, loko bekungabakuhle kuprofesa labanengi. “O, ngisandza kungena ebandleni nje futsi nginenhlanganyelo. Kungani nje ungahlali khona lapha?”

⁶⁷ Kodywa, lalelani, Elisha akakhonanga kucabanga ngaleyondlela. Besavele awevile eMandla aNkulunkulu. Bekati kutsi kwakunalo kungeni kwakhe. Ngako watsi, “Njengoba iNkhosi iphila, nemphefumulo wakho uphila, ngingeke ngikushiye.” O, ngikutsandza kanjani pho loko!

⁶⁸ Futsi wenyukela e, Betheli, endlini yaNkulunkulu, futsi lapho watfola sicuku setifundziswa. Bonkhe bebabashumayeli labaceceshwe kahle, futsi bahambahamba base bayamtjela, batsi, “Mnumzane, uyati kutsini? Sewusekupheleni lokuncane kwendvuku. Bewati yini kutsi Eliya utosuswa kuwe na? Semdzala kakhulu. Angeke asaphila sikhatsi lesidze kakhulu. Eliya utotsatfwa, futsi utobe ume ngephandle lapho njengeluhlanya.”

⁶⁹ Ake nginitjele lokutsite manje. Umuntfu loke wanambitsa Nkulunkulu, angeke avume, noma, angeke acedze koma kwakhe emtfonjeni lowentiwe ngumuntfu. Angeke akwente. Lapho, yonkhe isayensi yabo yetenkholo lebebanayo lapho esikolweni sebaprofethi, bekangeke acedze koma kwaleyondvodza yaNkulunkulu, lebeyinekunambitsa kwaNkulunkulu.

⁷⁰ Futsi bebasolo bamcenga, “O, ufanele uhlale lapha. Futsi, ngani, emavikini lasitfupha singakunika iPh.D. Futsi, niyati, kungeke kube sikhatsi lesidze kakhulu, uze utsatse cishe iminyaka lemine yekuceceshwa lapha, futsi singakunika lilungelo lekushumayela. Niyati, uma ufakazile kutsi ukahle, besiyokutfumela ehhelwesi letfu.” Loko ngeke kwenelise indvodza yaNkulunkulu. “Sitokucecesha kutsi ube ngumfundisi, uma nje utohlala natsi cishe iminyaka lemine noma lesihlanu lapha.”

⁷¹ Bekangenaso sikhatsi salolohlobo lwentfo. Bekasendleleni yakhe leya kulowoMtfombo. Besavele ete ngetulu kwaloko. Besavele anambitse kweliZulu emphefumulweni wakhe.

⁷² Wase utsi, “Uyati kutsi inhloko yakho itosuswa?”

⁷³ Futsi lalelani kutsi watsini. “Yebo, ngiyakwati. Kodvwa thulani.” Ngalamanye emagama, “Yonga umphefumulo wakho. Ungetami kungitjela ngako. Ungetami kungitjela kutsi ngentani. Ngiyati kutsi ngiyaphi nekutsi ngilandzelani.”

⁷⁴ Nkulunkulu, siphe emadvodza lanjalo, emadvodza laceceshwe nguNkulunkulu lati kungaphambukeli *kuloku* futsi aphambukele *kulokwa*.

⁷⁵ “Ngiyati kutsi ngiyaphi. Futsi ningakhulumi nami ngako. Bamba umoya wakho nje. Ungetami kungidvumata, ngoba ngeke kusite ngalutfo.”

⁷⁶ O, kube bantfu lokhulekelwe bangaba nje nalesosibindzi lesikhulu!

⁷⁷ “O, tinsuku temimangaliso selwendlulile. Loko kwakungesilo liciniso. Bukisisani, nitophindze nigule futsi.”

⁷⁸ “Bamba umoya wakho nje. Ungangitjeli lutfo ngako. Ngiyachubeka. Imvuselelo iyeta. Nkulunkulu uyetsembisile.” O, nine madvodzana aNkulunkulu, phumanu niye kuleyondzawo ngaleya, ngekungesabi. Kungesabi! Tsatsani Nkulunkulu eVini laKhe.

⁷⁹ “Ngiyati u—utosuswa. Kodvwa loko akusiko lengi... Awunalutfo lapha kutsi kungikhange. Tonkhe ticu tenu nabo Ph.D. neTicu teBhashela, nato tonkhe letintfo leti, akungenelisi mine. Bambani umoya wenu nje.”

“Yebo-ke, utofafabuka etulu lapho.”

⁸⁰ “Yebo-ke, uma ngifafabuka, ngiyekeleni ngifafabuke. Ngisendleleni yami.” Achubeka, bekahamba.

“Ungeke wakwenta kwendlule.”

⁸¹ “Ngiyati kutsi ngingeke ngikwente kufezeke, kodvwa Nkulunkulu utongitsatsa,” washo.

“Yebo-ke, Elisha uya ejordan.”

“Ngihamba naye.”

Nkulunkulu udzinga iJordani kuyo yonkhe imphilo.

⁸² Ngako, Elisha uyafika. Watsi, “Manje, Elisha...” Eliya watsi ku-Elisha, “Uyinsizwa nje,” mhlawumbe intfo lenjengalena, “futsi empeleni awukaze ube nekufundza esikolweni.” Lomprofethi lomdzala beketama kumvivinya. Watsi, “Uyinsizwa nje. Awukabi nekufundza esikolweni lokunengi. Ngani, awu... Kukutsi, impela, awukaze ube nemfundvo yasesikolweni lesihlelekile. Intfo kuphela lowatiko kuyenta kutsi kulinywa kanjani. Ngako bekungabanco congo uhlale lapha, futsi kwangatsi ungatfola Ticus takho teBhashela. Niyabona na? Kuncono uhlale futsi utfole ticus takho.”

⁸³ Kodwaa hhayi Elisha, hhayi leyondvodza leke yatsintsia Nkulunkulu kanye, yativela lawoMandla elugcobo etikwayo. Watsi, “Njengoba iNkhosi iphila, nemphefumulo wakho ungafi, ngingeke ngikushiyi.” Bekanenhlosa. Wabona umbono. Uyati kutsi kwakutokwentekani.

⁸⁴ Futsi bobabili behlela eJordani. IJordani isho “kufa.” Nabo bemile, likhehla nalensizwa. Kumelele Khristu mbamba neliBandla laKhe. Futsi nabo bemile, ngaseJordani. Nango ke, eta ehla avela emagcumeni aseJudiya, tibhamu letinkhulu tibhodla kanjalo. Na-Elisha, netinwele takhe letimphunga tilenga tiyoshaya emhlane wakhe, nemehlo akhe lamadzala lamfifiyele abuke ngesheya kweJordani... Nalensizwa ibukisisa konkhe kunyakata lebekakwenta. Yinye, lensizwa, yayilindzele umbono, kutsi ichube intsandvo yaNkulunkulu. Lelenye yayiya eKhaya. Bobabili bebaseJordani. Elisha, kuye... Uya eKhaya.

⁸⁵ Elisha bekanekuphila lokubuhlungu. Lowomshumayeli wesifazane entasi lapho bekamnike indlela lelukhuni kutsi ahambe kuyo, Jezebeli na-Ahabi. Nematje nako konkhe loko lebekendlule kuko! Elisha bekasakhatsala. Futsi beka kutsi bekalwile kulwa lokuhle, futsi bekasayicedzile indlela. Ngesheya nje kweJordani umhlalaphansi wakhe wawulindzile.

Kodwaa Elisha becabuke lowoMoya lowawukuye.

⁸⁶ Ngako, uma ucaphela, lonkhe likholwa, uma ufika endzaweni lapho utofanele utsengise khona, uyova emagagasi labandzako aseJordani atseleka etinyaweni takho. Ngabe uyewela, noma aweweli? IJordani “kwehlukana,” kuyehlukana.

⁸⁷ Futsi lome emuva egcumeni kwakungulabashumayeli laba, noko, bampongolotela Elisha, “Kuncono ungayi ngale. Utohamba ugabancele ngale.” Uyabeva, lokuphawula, noko, namuhla.

⁸⁸ Yebo-ke, Elisha watsi, “Uma Nkulunkulu anguNkulunkulu, futsi lowo ngumprefethi waKhe, ngifanele ngitsatse indzawo yakhe, futsi ngidzinga umoya wakhe kutsi ngikwente ngawo, angidzingi sikolwa sabo. Kube sikolwa sabo besingakwenta, bebatotsatsa indzawo yakhe. Kodwaa Nkulunkulu wangibitela kutsi ngikwente, futsi ngidzinga umoya wakhe.”

⁸⁹ Kube tikolwa temabandla betiyotsatsa indzawo, neMandla Jesu lawanikela, ngabe bayitsetse, eminyakeni leyendlulile; iMethodisti, iBaptisti, iKhatolika, iPresbyterian. Kodvwa ingeke ize ikwente.

⁹⁰ Kubita uMoya waJesu Khristu! Futsi uyowela iJordan, yalo lonkhe lihlelo emvakwako, konkhe lokunye, futsi ume wedvwa naNkulunkulu.

⁹¹ Ngako, wema naye eJordan. Elisha abuka etulu lapho, ati, ndzawanatsite ngesheya lapho, Nkulunkulu bekatoohlangana naye. Futsi wakhumula ingubo yakhe, wase uyacalata kulgensizwa. Futsi washaya ijordan. Futsi ngesikhatsi enta, ijordan yavuleka. Futsi bawela, emhlabatsini lowomile.

⁹² Niyabona, ijordan ayisikabi kangako, empeleni, uma kukhona Intfo letsite lekuwe kutsi ivule indlela.

⁹³ O, ngesikhatsi bashaya ngakulolunye luLangotsi! Lokuhhukwe kuto tonkhe tihlahla kwakulihhashi nencola. INkhosi yemakhosi beyitfume impheleketeli yekuphekeletela Eliya enhla eKhaya. Konkhe kwase kuphelile, ku-Eliya. Bekanalokwenele kwako, cishe iminyaka lengemashumi lasiphohlongo nentfo, yekuphikisana nalabobantu entasi lapho, futsi bane... endlula etindlini tetimphi nemibango, nako konkhe lokunye. Bekasalungele kuya eKhaya. Futsi wacalata ku-Elisha.

⁹⁴ Na-Elisha bekafuna kubona umbono. O, bekanako konkhe kufundza kwasesikolweni, emuva lapho bekangema khona. Bekangefiki ndzawo. Nkulunkulu bekatomcecesha ngendlela yaKhe lucobo. Ngako ngesikhatsi abuka laphaya, wabuka, tonkhe-tonkhe letihlahla tihhukekekeke lapho, letincola leti teMlilo nemahhashi eMlilo, kwenta lokutsite ku-Elisha. Wabona umbono. Yebo, mnaketfu!

⁹⁵ Futsi ngesikhatsi Nkulunkulu akhuphula Eliya, wabuya nalokuphindvwae kabili kwaMoya wakhe. Bekasalungele imvuselelo ngalesosikhatsi.

⁹⁶ Caphelani lendvodza ke, ingumfana welikhuba ngaphambili. Nkulunkulu wenta ligama lakhe lingafi. Bonkhe baprofethi labema lapho, bambukela, wadzingeka akhotsame ngetinyawo takhe ngoba bekaneMandla aNkulunkulu etikwakhe.

⁹⁷ Kuta li-awa lapho Nkulunkulu lapho ayokwenta khona umhlabu ukhotsame etinyaweni tebesilisa nebesifazane lowahlomeka wawela futsi wawela ijordan, futsi wehlukanisa letotintfo... lucobo, etintfweni telive. Mnaketfu nadzadze, kusihlwa, noma yini leniyentako, noma yini leniyicabangako, yewela ijordan naNkulunkulu. Chubekani niye ngale nekwehlukanisa, nishiye live ngemuva. Akutsi Nkulunkulu akakuceceshele inkonzo yaKhe lucobo. Siphila elusukwini

ngaphambi kwalemvuselelo, kodvwa Nkulunkulu ufunisisa, etama kutfola tinhlitiyo.

⁹⁸ Bukani. Watfola umuntfu ligama lakhe linguPawula, o, lotibita yena ngemFarisi. Kodvwa Wadzingeka kutsi aphindze amsebente, kanjalo, ngaphambi kwekutsi abe ngumfundzi. Bukani kutsi Wenteni, kwehle njalo ngeminyaka, kubantfu. Wadzingeka abatsatse futsi apompe isayensi yabo yetenkholo iphume kubo. Futsi Pawula, watsi nje angabona lombono, akenyukelanga eJerusalema, kuGamaliyeli, thishela lomkhulu, lomkhulu kunabo bonkhe ka-Israyeli, lebekafundziswe nguye. Akazange sekabuyele kuye, kutsi ambute. Ngani, akazange aye ngisho eJerusalema, iminyaka lelishumi nakune kamuva. Kodvwa wehlela eGibhithe, emhlanganweni wemkhuleko. Futsi lapho Nkulunkulu wamvumela wabhala tiNcwadzi letinengi teliThestamenti leLisha. Niyabona na? Nkulunkulu ufuni bantfu. Bekanemuntfu Lebekafuna kubhala leloThestamenti, ngako Wavele wakhetsa Pawula. Futsi nje Wakhipha yonkhe isayensi yakhe yetenkholo kuye. NaPawula watsi wadzingeka akhohlwe ngiko konkhe loko lake wakwati, kutofundza Khristu.

⁹⁹ Nkulunkulu namuhla utama kutfulula live kitsi, futsi asitfulule tsine lucobo, futsi madvodza nebesifazane labangesabi labatsanza Nkulunkulu, futsi batohlala naNkulunkulu, futsi uyokweca lilayini lelehlukanisako, iJordan, kutsi Angasisebentisela inkhatimulo yaKhe.

¹⁰⁰ Leli nguleli-awa lengifuna nicabange ngalo. Futsi uma ungakaze wece lendzawo, uma ungakaze wece lelilayini, lapho usasho khona kutsi, "Yebo-ke, make wami bekasontsa ebandleni lelitsite." Loko kulungile. Loko akuyitsatsi indzawo yakho. Niyabona na?

¹⁰¹ Nkulunkulu ubita besilisa nebesifazane, namuhla, ekhaleni lemphi. Akababiti eGulgali, kanjalo futsi Akababiteli eJerikho, noma eBetheli. Uyi...Batawubhubha. Kodvwa Ubabitela kwewela iJordan, kute Akukhiphele esikolweni seMandla aKhe luCobo, futsi akwente futsi akubumbe.

¹⁰² Bukani kutsi Wentani khona lapha manje, atfumela uMoya weNdvodzana yaKhe. Wenta tibonakaliso netimanga nemimangaliso, umhlabu longakaze utibone iminyaka letinkhulungwane letimbili leyendlulile. Umhlabu wetesayensi utfwebule sitfombe saYo, iNsika yeMlilo, iNgelosi yeNkhosi. Silenga eWashington, DC, kusihlwa, eholeni lebungcweti betenkholo, lokungusona kuphela Sidalwa lesingetulu kwemvelo lesake safakazelwa ngekhesayensi kutsi sitfwetjulwe. Uveta tibonakaliso taKhe letifanako netimanga.

¹⁰³ Kuyini na? Kuwela iJordan. Bani wedvwa naNkulunkulu. Ubekwe esithandweni saKhe luCobo sekuhlunga. Ngena esondvwjeni lelikhulu leNkhosi lenguMbumbi futsi Ikubumbe. Kusihlwa, sisesemkhulekweni, siseta kuleyondzawo, tibeke

wena ngco etikwelisondvo laKhe, futsi utsi, “Nkhosi, ngilapha. Ngibumbe futsi ungente ngeyaKho luCobo indlela.” Futsi Nkulunkulu utokwenta.

¹⁰⁴ Sisakhotsamisa tinhloko tetfu umzuzwana nje sentela livi lemkhuleko. Ngaphambi nje kwemkhuleko, ngitotsandza kubuta lombuto kubantu ngekhatsi nangehandle. Bangakhi ekhatsi lapha ngebucotfo labangatsandza kuhamba naJesu entasi eJordan, kusihlwa, futsi lapho bewelele lapho la ungabona khona umbono futsi ubone kutsi Nkulunkulu usho kutsini? Ungatiphakamisa tandla takho na? Nkulunkulu akubusise. Buka nje! Ngiyacabanga kunetandla letingemakhulu lamabili kulesakhiwo, letiphakeme. Yehlela eJordan, hhayi entasi kusemina. Elisha wendlula ngakuloko ngo.

Batsi, “Lindza lapha.”

¹⁰⁵ Watsi, “Angifuni kukwenta. Loko kwentiwe ngumunfu.” A, kungeke kuze kukucedze loko koma kwendvodza leyomele Nkulunkulu. Kute sentakalo sesemina, akukho—akukho ticu tebucwephesha, noma lokunjalo, kungeke, kungeke kukucedze loko koma, uze unatse kulowoMtfombo wekuPhila.

Nine leniphakamise tandla tenu, khulekani nami manje.

¹⁰⁶ Nkulunkulu lotsandzekako, kulemizuzu lembalwa yenkonzo, besilisa nebesifazane labeme batungeleta emabondza, bafana nemantfombatane; nangehandle, bayeme emafasitelweni; kushisa. Kodvwa noko kukhona lokutsite kubo, kutsi Ukutsetse kunaka kwabo, noma ke besukile bahamba. Bebaneke beme lapho kanjalo.

¹⁰⁷ Nkhosi Nkulunkulu, ngoba bayati kutsi batidalwa letibantfu nje. Futsi siyafundza ephepheni lapho lomunye webaphatsi-dolobha betfu labahloniphekile walalela Liphini lameMengameli akhuluma, wasuswa. Lomunye emdlalweni webhola, ngalolobunye busuku, indvodza leyatiwako, yahamba ngekushesha. Futsi imiphefumulo yabo indzawanatsite kusihlwa. Nkulunkulu, leyo kutoba yindlela yetfu ngalelinye lilanga. Mhlawumbwe hhayi ngendlela lefanako, kodvwa sifanele sihambe.

¹⁰⁸ Futsi akutsi emadvodza asanguluke futsi acondze kutsi nje kusontsa ebandleni akusiko lokudzingako Wena. Wena ufunu bantfu kutsi bagewaliswe ngaMoya, ngekutalwa, bahleshulwe, bashiswe ngaMoya loyiNgcwele, bashicilelwengeluphawu, emadvodza lewele lilayini, emadvodza labitwe nguNkulunkulu. Futsi siyaholwa kutsi Utotfumela imvuselelo kutsi Billy Graham nalabanengi labayikhulekelako. Uma Ungakhipha bantfu kubo lucobo, basuke esikolweni sabo sesayensi yetenkholo, basuke etindleleni tabo labatibita ngato, emadvodza langesabi, emadvodza e—esimilo naWe, loKholwa ngewe futsi aKutsatse eVini laKho.

¹⁰⁹ Nkulunkulu, kwangatsi labanengi babo bangema bakhona manje, labatoniketa konkhe loko labanako eNkhosini Jesu, bese utsengisela live, aye eGulgali leseyendlulile, indzawo yekuvuma nekucala kwemaKhristu. Chubekani nendlule sikolwa sebaprofethi labahleti emuva lapho nesayensi yabo yetenkholo. Chubekani niye eJordani, embonweni lovulekile uma batowela, batfole kutsi Nkulunkulu lophilako usaphila.

¹¹⁰ Kamuva sitfola lomprofethi abuka ndzawo tonkhe kuye, futsi kwakukhona leto tiNgelosi letifanako teMlilo, netincola, entasi eDothani, ngalelinye lilanga.

¹¹¹ Usekhona lapha kusihlwa, Nkhosi. Bita emadvodza aKho, ubite besifazane baKho, bafana baKho, emantfombatane aKho, Nkhosi. Khulumka kuthula etinhltiyweni tabo futsi ubayekele bawelele ngesheya, ngale kwetintfo telive. Ngoba sikucela eGameni laJesu nangenza yaKhe. Amen.

¹¹² Ngifuna kuhlabela loko umzuzwana nje, ngekuthula sibili ekukhonteni.

Bani Nendlela yaKho, Nkhosi!
 Bani Nendlela yaKho!
 Bamba etikwebungimi bami
 Lokuphelele kushwileka!
 Ngibumbe ungente
 Ngekwentsandvo yaKho,
 Ngisalindzile,
 Ngitinikele futsi ngithulile.

Sonkhe kanyekanye manje, ngendlela yekukhonta.

Bani Nendlela yaKho . . .

Manje tinikele wena kuleloculo, ngaleloculo,
 kuNkulunkulu.

Bani Nendlela yaKho!
 Bamba etikwebungimi bami
 Lokuphelele kushwileka!
 Ngibumbe ungente
 Ngekwentsandvo yaKho,
 Lapho ngisalindzile,
 Ngitinikele futsi ngithulile.

¹¹³ Ngekuthula manje, ekukhonteni manje. Ningacalati, Bukani kuNkulunkulu nje.

Bani Nendlela yaKho . . .

Kusho sibili.

Bani NeNdlela yaKho!
 Wena unguMbumbi;
 Ngilibumba.
 Ngibumbe futsi ungente
 Ngekwentsandvo yaKho,
 Lapho ngisalindzile,
 Ngitinikele futsi ngithulile.

¹¹⁴ Ngikholwa kutsi kungaba kuhle sibili. Niyatsandza kudvumisa? UMLayeto sewuphelile manje. Ake sikhonte nje, umzuzu, netinhloko tefu tikhotseme, leloculo futsi. Kusho loko ngalokusuka enhlitiyweni yakho.

Bani neyaKho...
 Bani Nendlela yaKho!
 Wena unguMbumbi;
 Ngilibumba.
 Ngibumbe ungente
 Ngekwentsandvo yaKho,
 Lapho ngisalindzile,
 Ngitinikele futsi ngithulile.

¹¹⁵ Nkhosi, siphe loku: Kwangatsi wonkhe umuntfu, kusukela kulabantfwana laba labancane kuya kuwesilisa lomdzala kunabo bonkhe newesifazane eBukhoneni bebuNkulunkulu, kwangatsi Moya loyiNgcwele njengamanje angasebenta ekukholweni kwabo futsi asuse konkhe kwekungabata, konkhe kwehluleka lokuncane, futsi kwangatsi bangabunjwa ngekwentsandvo yaKho. Baseselayinini lelisondvo laKho lelikhulu lekubumba, sibeka imiphefumulo yetfu kutsi ibusiswe, ihlanta. Siphe kona, O Nkulunkulu, eGameni laJesu, iNdvodzana yaKho. Amen.

¹¹⁶ Ngiyakutsandza nje loku. Anikutsandzi nine? Ngekuthula nje ngiva Moya loyiNgcwele. O, emvakwaloMlayeto lomadlakadlaka, bese-ke kuba ngulobobumnandzi baMoya loyiNgcwele! Kuta ngeLivi. Ngitohlabela livesi laloko, noma ngikutame.

Lopha ingati, yebo, lopha ingati,
 LeliVangeli laMoya loNgcwele, lopha ingati,
 Ingati yebafundzi labafela liCiniso,
 LeliVangeli laMoya loNgcwele lopha ingati.

Wekucala kufela lelicebo laMoya loNgcwele,
 Kwaba nguJohane umBhabhatisi, kodvwa wafa njengemuntfu;
 Kwase kufika iNkhosi Jesu, baYibetsela,
 Washumayela kutsi uMoya uyosindzisa bantfu esonweni.

Kwakukhona Phetro naPawula, naJohane longcwele,
 Banikela ngetimphilo tabo kute leliVangeli likhanye;
 Bacubanisa ingati yabo, njengebabaprofethi basendvulo,
 Kute Livi laNkulunkulu leliciniso likhulunywe ngekwetsembeka.

Base bagcoba Stefane ngematje, washumayela wamelana nesono,
 Wabafukutselisa kakhulu, baphihlita inhloko yakhe ngekhatsi;
 Kepha wafela kuMoya, waphuma umphefumulo,
 Futsi wahamba kuyohlangana nalabanye, lesicuku lesikhulu lesinikela ngekuphila.

Imiphefumulo lengaphansi kwe-altari, iyakhala, "Kuyoze kubekunini?"
 Kutsi iNkhosi ijezise bonkhe labo labente lokubi;
 Kepha batoba banengi labatonikela ngengati yekuphila kwabo
 Ngoba leliVangeli laMoya loNgeweles nesikhukhula Salo lesibovu.

Sonkhe kanyekanye manje.

Lopha ingati, yebo, lopha ingati,
 LeliVangeli laMoya loNgeweles, lopha ingati,
 Ingati yebafundzi labafela liCiniso,
 LeliVangeli laMoya loNgeweles lopha ingati.

¹¹⁷ Bebayini? Emadvodza Nkulunkulu lawaceceshile futsi wawabita. [Akucoshwanga etheyiphini—Umhl.] Nkulunkulu angake asebentise kanjani ligwala kutsi afake Livi laKhe kulo? Uyesaba. Kungalesosizatfu bangati lutfo ngaLo. Emadvodza langesabi, loyo Nkulunkulu lamsokile ngaMoya loyiNgeweles, Nkulunkulu uphila ngekhatsi. Bekavele nje masinyane ayinamatselise ingati yakhe ngeluphawu ngatsi akusibo, bufakazi bakhe ngengati yakhe; akanandzaba. NguKhristu lamphilako. "Ngoba kimi kuphila nguKhristu, nekuwa kuyinzuzu." Nguleyondlela labativela ngayo ngako. Amen.

¹¹⁸ Manje sekusikhatsi selilayini lalabakhulekelwako. Futsi sekulilayini lalabakhulekelwako lasekucaleni, cishe emashumi lamabili nje emvakweyesiphohlongo. Kodvwa sifuna kukhulekela bantfu. Futsi ngifuna nine manje, loku... Konkhe kushumayela lesingakwenta bekungeke—ngeke kucatsaniseke neLivi lelikhulunywe linye livela kuNkulunkulu cobolwaKhe.

¹¹⁹ Manje kucala lilayini lalabakhulekelwako, lokukutsi, setsembise kukhulekela bonkhe. Kutsi sitokwenta, Nkulunkulu atsandza. Tsine, busuku ngabunye, sikhipe emakhadi ekukhulekelwa. Futsi ngisho, kuloku, kutsi... Busuku ngabunye singabita licembu lapho, ngekubona lokufihlakele. Kodvwa bantfu, ke, labanye babo bebangasuka kulobobusuku. Sitoba nemhlangano lomkhulu, naMoya utowehla, nebantfu bebayosuka. Futsi ngebusuku lobulandzelako sitodzingeka sikhipe lamanye futsi.

¹²⁰ Futsi uma ngingaphosisi, ngabe angibuki Fannie Wilson lome emuva lapho na? [Dzadze Wilson utsi, "Kunjalo."—Umhl.] Ngiyakhumbula ngitsatsa lowo wesifazane, cishe lishumi nesikhombisa... O, ngetulu kwaloko, cishe emashumi lamibili-... ["1932."] 1932, afa, aneTB, nadokotela walelidolobha bekamdzelite. Futsi bekanemophotaze tingubo nakhe yonkhe intfo yayihleti imanti ingati. Umyeni wakhe nendvodzakati beta futsi bangitfola, ngalokunye kusa. Ngaphumela lapho ngase ngibita etikwalowesifazane, liGama leNkhosi Jesu. Futsi cishe etinsukwini letimbalwa kamuva, esikhatsini sasebusika lesibandzako, ngambhabhatisa eGameni leNkhosi Jesu, emfuleni. Futsi wehla ngemgwaco, ngemuva elolini lendzala yetinkhomo, amanti ngako konkhe. Usaphila nakusihlwa, ngoba Khristu wakwenta. Kwekucala ngimbona eminyakeni leminengi. Ngicalata etetsamelini, ngikubona.

¹²¹ Nkulunkulu usaphila. Kunjalo. Futsi Watsi, "Ngoba Ngiyaphila, ungaphila nawe."

¹²² Manje ngitotsandza, kutsi nje kunitfolela kutsi loku kuyini, ngoba, uma ngingakwenti, khona-ke ungahle uhambe futsi utsi, "Yebo-ke, angikucondzi loko."

¹²³ Manje, kulwa kwami nguloku, kutsi, "Jesu Khristu uhlala anguye itolo, namuhla, naphakadze." Manje, uma Afana, Ufanele afane kuyo yonkhe imigomo, lofanako e—emandleni, lofanako ngemandla, lofanako kuyoyonkhe intfo Lebekangiyo.

¹²⁴ Futsi ngesikhatsi alamhabeni lapha, kwakukhona emaGrikhi, ngalesinye sikhatsi, leta ase atsi, "Banumzane, sifuna kubona Jesu."

¹²⁵ Futsi ngikholwa kutsi leso sifiso sawowonkhe wesilisa noma wesifazane lowake weva ngaJesu, lofunu kuMbона. Futsi uma Angafani, khona-ke angeke siMbоне. Kodvwa uma Afana, singaMbона, noma ke Washo lokutsite lokuliphutsa. "Kusesikhashana nje, nelive lingeke lisaNgibona, kepha noko nine nitaNgibona, ngoba Mine," sabito selucobo, "Ngitatwuba nani, ngibe ngisho kini kute kube sekupheleni kwemnyaka." Wase-ke Jesu uyetsembisa kuba seBandleni laKhe, enta tintfo letifanako naLatenta ngalesosikhatsi, kute kube sekupheleni kwemnyaka. Manje, Watsi, "Kusesikhashana nje," live lingeke lisaMbона. Yebo-ke, khona-ke, besingaMbона kanjani yena?

Sitofanele sibone uMoya waKhe, uma Akitsi, nalowoMoya utofanele wente lokufanako Lakwenta ngalesosikhatsi, noma nakungenjalo Bekungeke kube nguMoya lofanako.

¹²⁶ “NginguMvini, nine ningemagala.” Futsi uma sitsela... Uma ligala liseMvinini, leligala litotsela luhlobo lwesitselo loMvini losivetako kuso. Yebo-ke, uMvini wekucala uvela... Ligala lekucala leliphuma eMvinini laliligala lephentekhostali; imibono, emandla, kophilisa, umbhabhatiso waMoya loyiNgcwele, tibonakaliso letinkhulu netimanga. Ligala lelilandzelako liyofanele libe luhlobo lolufanako lweligala. Kwehlele ekugcineni, kutomele kufane. Nguloko Jesu lakusho.

¹²⁷ Manje, ake sibone kutsi Bekayini itolo. Uma singatfola kutsi Bekayini itolo... Manje, ngitsatsa indlela lejubelako, ngenca yesikhatsi; ngitoniketa cishe imizuzu lesihlanu yemiyalo. Futsi uma singabona kutsi Bekayini itolo, khona-ke singabona kutsi Uyini namuhla, futsi uyoba njalo kute kube phakadze. Ngabe loko kuhle ngalokwenele na?

¹²⁸ Manje, ngesikhatsi Alapha emhlabeni, Wefika njengaMesiya, wabhabhatiswa nguJohane umBhabhatisi; bekasengakenti imisebenti noko. Futsi Wangena enkonzwensi yaKhe yasekulaceleni. Ngabe Bekatfunyelwe kubani na? EmaJuda.

¹²⁹ Manje, siyacondza kutsi buve lobutsatfu kuphela bebantfu emhlabeni, lokukutsi: liJuda, weTive, nemSamariya; lokunguHhamu, Shemu, nebantfu baJafethi. liJuda, weTive, neSamariya.

¹³⁰ Niyakhumbula na? Phetro wababita, netikhya teMbuso, ngeluSuku lwePhentekhosti, kumaJuda. “Phendvukani, ngulowo nalowo wenu, nibhabhatiswe eGameni laJesu Khristu.”

¹³¹ Filiphu wehla wase ushumayela kumaSamariya. Bonkhe bakholwa futsi baphendvuka, futsi bebakadze babhabhatiswe eGameni laJesu Khristu. Kuphela, Moya loNgcwele bekasengakefiki kubo. Phetro bekanetikhya. Wehla wase ubeka tandla etikwabo, base bemukela Moya loNgcwele.

¹³² Wase-ke Khoneliyusi, weTive, wabanembono, kutsi bekatotfumela futsi atfole umuntfu lotsiwa nguPhetro, Simoni Phetro, lobekahlala endlini yemuntfu lobekangumshuki wetikhumba. Futsi ngesikhatsi Phetro enyukela lapho, “Kwatsi Phetro asakhuluma lamaVi, Moya loNgcwele wehlela etikwabo.” Wase utsi-ke Phetro, “Ukhona yini umuntfu longala nemanti na? Laba sebemukele Moya loNgcwele njengoba siMtfolile ekucaleni.” Lonkhe ligala lelivelako ngalokufanako nje. Niyabona na?

¹³³ Manje, ngesikhatsi Jesu ahlangana... Manje, Akefikanga kubeTive. Bangakhi lokwatiko loko na? Wabalela bafundzi baKhe kutsi baye kunoma ngubaphi beTive. Bangakhi lokwatiko loko na? “Ningahambi ngendlela yebeTive, kodvwa yanini

kuphela etimvini letilahlekile ta-Israyeli. Futsi lapho usahamba, ushumayela, utsi, ‘UMbuso weliZulu sewusondzele,’ etimvini letilahlekile ta-Israyeli.”

¹³⁴ Manje, ngubani lobeKamfuna kutsi ete ngalolosuku na? Hhayi beTive; sasingemahedeni, Anglo-Saxon. SasingemaRoma, sikhonta lilanga nakanjalonjalo. Sasingakabheki kwasaMesiya, kodvwa emajuda nemaSamariya kwakunguwi. Manje, Watimemetela kanjani Yena lucobo kulabobantfu lebebaMfun?

¹³⁵ Asibuyele emuva manje kuJohane loNgcwele, sahluko 1, futsi kwemzuzwana nje manje. Futsi lalelisisan.

¹³⁶ LiJuda lekucala lelake laletfwa kuYe, ngesikhatsi Filiphu noma... Andreyo aphendvuka, futsi wahamba watfola umnakabo, Simoni Phetro, waletsa Simoni embikwaJesu. NaJesu wamtjela kutsi ligama lakhe lalingubani, nekutsi babe wakhe bekungubani. Bangakhi lokwatiko loko na? Ucabanga kutsi loko kwenteni kuleyondvodza, lebeyitotsi kamuva iphetse tikhya teMbuso esandleni sayo na? Nguloko Latifakazela Yena lucobo kutsi ungiko, Mesiya.

¹³⁷ Masinyane, ke, Filiphu waphendvuka, futsi wahamba watfola Nathanayeli. Loko ngemakhilomitha langemashumi lasihlanu kutungeleta lentsaba. Futsi wenyukela endlini, futsi sengiyamuva atsi, “O, Nkkt. Nathanayeli, uphi Nathanayeli?”

“O, ungephandle e—esivandzini semcuma.”

¹³⁸ Wagijimela lapho ngalokukhulu kushesha, “Nathanayeli, ukuphi?” Futsi wamtfolo ngaphansi kwesihlahla. NaNathanayeli bekakhuleka. Futsi walindza wate wacedza kukhuleka. Wase utsi, hhati kutsi, “Sawubona, Nathanayeli? Tenta kanjani tilimo na?” O, bekanemlayeto! Nguleyondlela umuntfu lohlangane naJesu lanayo. Akanasikhatsi sebulima. Watsi, “Wota, ubone kutsi Ngubani lesimfolile, Jesu waseNazaretha, indvodzana yaJosefa!”

¹³⁹ Futsi manje sengiyambona Nathanayeli atsintsitsa timphahla takhe, esuka emkhulekweni. Watsi, “Manje, Filiphu, ngikwati kutsi uyindvodza lelungile, nendvodza letsembekile. Manje, kungabakhona yini lokuhle lokuphuma eNazaretha? Yebo-ke, niyati, uma Mesiya efika, Uyokuta eJerusalem, ngelibandla.” Nguloko bantfu labakucabangako nanamuhla. Niyabona na? “Bekatofika ngeJerusalem. Kheyifase akazange akumemetele enkonzwensi yekugcina. Ngako, akukho namunye wabosiyazi betenkholo lokumemetele. Ngako ngikwati wena kutsi ube yindvodza letsembekile. Ngabe uphambukele ekugcineni lokujulile?”

“O, cha. Wota utitfolele.”

Watsi, “Kukhona yini lokuhle...”

¹⁴⁰ Wamnika imphendvulo lenhle kunato tonkhe noma ngumuphi umuntfu lebekangenta, watsi, "Wota, utibonele wena."

¹⁴¹ Manje, emgwacweni ngalapho, ngiyamuva Nathanayeli atsi...noma Filiphu atsi kuNathanayeli, "Uyati kutsini? Uyamkhumbula lowomdwebi lomdzala entasi lapho lobekangakwati ngisho nekusayina siliphu sekubhadala uma umnika leyo, lolowatsenga tinhlanti kuye?"

"Yebo. Ngikholwa kutsi ligama lakhe kwakunguSimoni."

"Yebo, ngulelo-ke."

¹⁴² "Ngamletsa, ngalelelinye lilanga, enhla embikwalowoMesiya, futsi watsi nje Angambona, Watsi, 'Ligama lakho unguSimoni. Ligama lababe wakho nguJonase.' Futsi ngi...Bekungeke kungimangalise, kodvwa uma ufika embikwaKhe, Bekangeke akutjele kutsi bewungubani."

Watsi, "A, manje, awume kancane, hhayi mine."

¹⁴³ Ngako, ngelilanga lelilandzelako befika. NaJesu bekaselayinini lababakhulekelwako, njengalokwejwayelekile, akhulekela labagulako, futsi ngesikhatsi Yena, mhlawumbe bekakhuphuke futsi waphuma wangena etetsamelini, Jesu wabuka etulu, futsi Wabona Filiphu eta, aletsa indvodza ngesikhala setitulo. Futsi Wambuka, futsi Watsi, "Bukani umIsrayeli lokungekho nkohliso kuye."

¹⁴⁴ Leyo yiMfundziso lengakejwayeleki? Lowo kwakunguJesu, itolo. Lowo nguJesu, namuhla, uma Afana.

¹⁴⁵ Futsi leyandvodza yema. Ngiyambona Nathanayeli, uh, Filiphu wamgcuzula, watsi, "Ngitsiteni kuwe? Ngikutjeleni?"

¹⁴⁶ Watsi, "Rabi," lokuchaza kutsi *thishela*, noma ngabe besingakubita ngani namuhla, niyati. Impela, ligama lesiHebheru lelingilo, lichaza kutsi *thishela*. Watsi, "Rabi, Uke wangibona nini? Wati kanjani Wena lutfo ngami? Angikaze ngiKubone emphilweni yami. Wati kanjani kutsi ngingumIsrayeli? Wati kanjani kutsi mine nje, futsi ngetsembekile, futsi ngineliciniso? Awukaze ungibone, emphilweni yaKho. Ungati kanjani Wena?"

¹⁴⁷ Watsi, "Ngaphambi kwekutsi Filiphu akubite, ngesikhatsi ungaphansi kwesihlahla, ngikubonile," ekhilomitha langemashumi lasihlanu kutungeleta intsaba, ngayitolo. Emehlo lanje pho!

¹⁴⁸ Manje watsini na? Watsi, "Rabi, UyiNdvodzana yaNkulunkulu. UyiNkhosи ya-Israyeli." Uma emaJuda akucondza loko...Manje lindzani. Lelo kwakuliJuda lelikhetsiwe. Bangakhi lokholelwa ekukhetseni na? O, banengi bantfu labangayuze bakwemukele. Niyabona na? LiBhayibheli lasho njalo. Kodvwa leyondvodza yayineMoya waNkulunkulu

kuyo. Futsi wakuvuma, watsi, “Rabi, UyiNdvodzana yaNkulunkulu. UyiNkhosi ya-Israyeli.”

¹⁴⁹ Kodvwa nako kume bosiyazi betenkholo bangalolosuku, baphristi nabothishela labakhulu, baMlalele. Futsi niyati kutsi batsini? Batsi, “Ungumbhuli. Unemoya waBhelzebule etikwaKhe.” Jesu...Abazange bakukhulume, kakhulu. Cha, cha.

¹⁵⁰ Kodvwa Jesu wagucuka wababuka. Watsi, “NingaNgibita ngaloko futsi ningentiwa lutfo ngako. Kodvwa kuyofika sikhatsi lapho Moya loNgcwele ayofika khona, futsi uma nikhuluma livi linye lelimelene naYe enta intfo lefanako, angeke kutsetselelwe kulelive leli noma live lelitako.”

¹⁵¹ Ngako-ke sisebentana nani? Lawo bekungeMajuda. Wona mbamba emaJuda eliciniso nalacinisile aMkholwa kutsi unguMesiya.

¹⁵² Bothishela nabosiyazi betenkholo, bebayini na? Intalo yenyoka, njengoba sendlule kuko. Watsi, “Nine nibababe wenu, develi.” Noko, bebakhaliphile, bahlakaniphile, emadvodza langcwele. Bebaneke bagudlute ngisho nakancane...Ngcwele. Bebaneke balephule liSabatha. Bebaneke bakhone kudla tinyama. Bebangemadvodza langcwele, kodvwa behluleka kubona. Niyabona, bebakadze bangumuntfu loceceshiwe.

Nkulunkulu uyawacecesha emadvodza aKhe, lamadlakadlaka. Kunjalo. Emadvodza labitwe nguNkulunkulu!

¹⁵³ Kwase-ke ngalelinye lilanga Be—Beka...Nguloko emaJuda lakucabanga. Nguleyondlela Latatisa Ngayo kumaJuda. Bangakhi lowatiko kutsi lowo ngumBhalo? Kulungile. Manje, uma Atenta Yena lucobo atiwe kumaJuda, lowo kwakunguJesu itolo nemaJuda.

¹⁵⁴ “Manje, wena utsite, ‘EmaSamariya bekaMbhekile kutsi ete.’” Yebo, bekambhekile, kodvwa hhayi beTive. EmaSamariya nje.

¹⁵⁵ Futsi ngesikhatsi Acala kuhlangana nemaSamariya, Bekanesidzingo kutsi endlule ngaseSamariya. Futsi Wema, wase utfuma bafundzi baKhe bakhweshe, kuyofuna kudla, cishe ngensimbi yelishumi nakubili. Wahlala phansi emtfonjeni. Nako kuphuma wesifazane, wacala...Manje, siyamati, kulelive, kutsi abe nguwasifazane loneligama lelibi, dzadze wasesitaladini, niyati, ingwadla. Futsi ngako uyaphuma wase ucala kwehlisela libhakede phansi emtfonjeni, kukha emanti. Futsi weva liPhimbo litsi, “Mfati, ase uNginatsise.” Futsi wacalata futsi nako kuhleti liJuda lelineminyaka lesemkhatsini nendzima yekuphila.

¹⁵⁶ Bekenemashumi lamatsatfu kuphela nentfo letsite, kodvwa liBhayibheli latsi Bekabukeka anemashumi lasihlanu. Batsi,

“UyiNdvodza lengakefiki naseminyakeni lengemashumi lasihlanu budzala, kepha utsi Wena ‘ubone Abrahama?’”

¹⁵⁷ Watsi, “Ngaphambi kwekutsi Abrahama abekhona, Ngikhona.” Niyabona na? Kufanele kutsi bekabukeka amudzala ngenga yemsebenti waKhe, umtimba waKhe wemuntfu.

¹⁵⁸ Futsi wacalata. Wati kutsi BekaliJuda. Watsi, “Mnumzane, akusilo lisiko kutsi nine maJuda nicele emaSamariya tintfo letinjalo. Asidlelani lomunye nalomunye.”

¹⁵⁹ Watsi, “Mfati, kube bewati kutsi Ngubani lobewukhulumu naye, bewutocela kiMi kwekunatsa. Futsi bengitokuletsela, ngikuniike emanti longeke ute lapha kutowakha.” Bekentani na? Achumana nemoya wakhe. Niyabona na? Bukisisani, Utotimemetela Yena lucobo kumaSamariya, manje.

¹⁶⁰ Wase utsi, “Ngani, wena utsi, ‘Khonta eJerusalem.’ Sitsi, ‘Kulentsaba.’”

¹⁶¹ Watsi, “Sikhatsi siyeta, futsi manje sesingiso, lapho ungeke, kulentsaba noma eJerusalem, ukhonte Nkulunkulu, kuphela ngamoya neliCiniso. Babe ufuna labanjalo.”

¹⁶² Bekentani Yena? Abamba umoya wakhe. Futsi emvakwesikhashana, ngesikhatsi Atfola kutsi yayikuphi inkhatsato yakhe...Bangakhi lowatiko kutsi inkinga yakhe yayiyini? Bekenemadvodza lasihlanu, futsi bekahlala neyesitfupha. Ngako, Watsi, “Mfati, hamba uyolandza indvodza yakho nite lapha.”

Watsi, “Anginandvodza.”

¹⁶³ Watsi, “Kunjalo. Una... unalasihlanu, nalena lohlala nayo ayisiyo yakho.”

¹⁶⁴ Lowesifazane wema waMbuka. Manje, akazange atsi, “UnguBhelzebule, mnumzane. Ungumbhuli.” Bekati kakhulu ngaNkulunkulu kunahhafu webashumayeli baseJeffersonville, kunjalo, ngekuba yingwadla. Watsi, “Mnumzane, ngiyabona kutsi Ungumprofethi wena.”

¹⁶⁵ Bukisisani, u “mprofethi.” Futsi uma utohlehlisa lelolivi, utolitfola, umProfethi Mosi lakhulumu kutsi bekatofika, niyabona, “INkhosi, Nkulunkulu wenu, iyovusa umProfethi lonjengami.”

¹⁶⁶ Watsi, “Ngiyabona kutsi ungumprofethi Wena.” Bekati kutsi Bekangakwati loko ngalenyi indlela; bekangeke akwati. Watsi, “Ngiyabona kutsi ungumprofethi Wena.” Manje lalelani lapha, “Tsine...” emaSamariya, hhayi emajuda manje, emaSamariya, “Siyati, kutsi uma Mesiya efika, Uyositjela letintfo leti.” Niyabona kutsi hlobo luni lwesibonakaliso lebebasisfuna na? Sibonakaliso saMesiya. “Uma Mesiya efika, Uyositjela letintfo leti, kepha ungubani Wena?”

Watsi, “NginguYe, lolokhulumu nawe.”

¹⁶⁷ Futsi walahla phansi imbita yakhe yemanti, wase ugijimela edolobheni, futsi watsi, "Wotani, nibone uMuntfu longitjele tintfo lengitentile. Ngabe akusuye yini loMesiya lona na?"

¹⁶⁸ Uma leso kwakusibonakaliso saMesiya ke, kutofanele kube sibonakaliso saMesiya nanamuhla. Uma A...Manje, khumbulani, akukaze nakanye kutsi lowommangaliso uke wentiwe embikweweTive. Walelwa. Ngani na? BeTive bebaneminyaka letinkhulungwane letimbili yekudlala busontfo.

¹⁶⁹ Kodvwa manje kuperhela kwesikhatsi sebeTive sekulapha. Futsi iRussia, emakhomanisi, anebhomu lekhombe ngco ngakini, kukucedza, nayo. Ningakhatsateki, iyeta. LiBhayibheli lasho njalo. Itoba lapha neligama lenu libhalwe kuyo, futsi itoba yimphuphu esikhatsini lesingangemzuzwana, sive sonkhe. Iyoshabalaliswa ngalokuphelele. Caphelani, nguNkulunkulu lowenta loko. Ngiyati kutsi bukhosi lobubusa ngembuso wenkhululeko, basicuku semahedeni. Kodvwa Nkulunkulu akazange yini sekavuse tive temahedeni kutsi ticondzise Israyeli etinsukwini letendlula na? LiBhayibheli liyasho kutsi iRussia nebukhomanisi budlala ngco etandleni taNkulunkulu, kususa mbamba umhlaba webantfu.

¹⁷⁰ Kodvwa ngaphambi kwekutsi loko kwenteke, luHlwitfo luyafika futsi lutsatse liBandla liye eKhaya ngaphambi kwekutsi loko kwenteke. Futsi uma loko kusondzele kakhulu edvutane, lusondzele kangakanani ke luHlwitfo? Lusondzele kakhulu kunaloko. Ngako niyabona kutsi kungani si... kungani ngishumayela ngalendlela lengikwenta ngayo, kungani ngizabalaza ngawo onkhe emandla ami; ngani Nkulunkulu ungiko konkhe Langakwenta, kucindzetela loko kungene kulaBakhetsiwe, kudvonsa iNtalo yewesifazane iphume, kute intalo yenyoka itsatse lesijeziso. Kunjalo impela. Nguloko Letsembisa kukwenta.

¹⁷¹ Manje, uma Jesu atimemetele Yena lucobo embikweliJuda nasembikwemSamariya, ngaletotibonakaliso, futsi uyosiyekela sihambe ngaphandle kwekumemetela sibonakaliso lesifanako kitsi, Ungulongakalungi, uma Asivumela nje singentiwa lutfo, ngekutsi, "SiyiMethodisti; siyiBaptisti; siyiKhatolika; siyiPresbyterian," cha, mnumzane, uma Asiyekela singentiwa lutfo ngesayensi yetenkholo lebandzako.

¹⁷² Utofanele ete netibonakaliso, timanga, njengoba Enta nje endzaweni yekucala, uma Anguye itolo, namuhla, naphakadze. Sesifikile ngalolosuku. Silapha manje. NgeliBhayibheli, ngebufakazi, ngaMoya, ngesayensi, yonkhe intfo iyafakaza kutsi kulapha. O, ngi...O, ngifisa kwangatsi ngabe benginemandla ekufuca loko ngikufake kubantfu, kubenta babone.

¹⁷³ Nine bantfu lapha eJeffersonville nibantu bami. Ngikhuliswe kanye nani. Futsi ngi—ngiyanitsandza. Ninga—ningacabangi kutsi ngiluhlanya. Nicabanga kutsi letibiketelo

leti tiyini? Bukani emuva kuzamcolo wa '37, nine bantfu, uma nihlekile khona lapha ebandleni. Ngase ngitsi, "Kutobakhona emafidi langemashumi lamabili nakubili etikweSitaladi Spring," tinyanga letisitfupha ngaphambi kwekutsi kwenteke. Ngitjeleni kanye kutsi nomayini yake yashiwo, nga ISHO KANJE INKHOSI, lebeyingesilo liCiniso sibili. Ngitjeleni intfo yinye Lake wayisho. Akukaze! KuliCiniso, futsi Kusasolo kuhleti kuliCiniso, futsi Kuyohlala njalo kuliCiniso.

¹⁷⁴ Manje singeke siletse...Ngiyacabanga kunalabalikhulu noma ngetulu bantfu lapha labatokhulekelwa. Singeke sibaletse bonkhe kanye nje. Sitoletsa labo lesingabakhona, ngesikhatsi, bese-ke sichubeka nekubaletsa size sibaletse bonkhe lapha. Manje ngitocala kungena...Ngiyakholwa...Billy Paul bekangekho lapha? Ngabe ukhona emuva ekhatsi lapho? Mtjele aphume ete lapha. Ngifuna kubona kutsi yini, uma akhipha... Ukhiphe liphi likhadi lekukhulekelwa? [UMnaketfu Billy Paul utsi, "Q, munye kuya ekhulwini."—Umhl.] Bo Q's, Q, Q. Likhadi lekukhulekelwa Q. Buka ekhadini lakho lekukhulekelwa. Lina Q. Linye kuya ekhulwini. Kulungile. Singeke sibaletse lapha bonkhe ngasikhatsi sinye, kodvwa singaletsa nje lebancane ngesikhatsi, size sibaletse bonkhe etulu lapha. Sifuna bete, ngamunye ngamunye, baze bonkhe bakhulekelwe.

¹⁷⁵ Manje bukani. Ngifuna wonkhe umuntfu, ngekhatsi nangaphandle, kutsi acabange ngaloku. Nekuvalwa kwalomhlangano, nginikela lelibandla kumfundisi, uMnaketfu Neville, ngibani kuya, naye kuNkulunkulu. UMnaketfu Neville lapha. Ngitophindze nginimeme nonkhe kutsi nibuye. UMnaketfu Neville ulisotja lelilichawe. Uyinceku sibili yaKhristu. Umshumayeli lobekawaseMethodisti, ngiyakholwa, umfundzi wase-Asbury, futsi bekakadze aceceshwe kubo bonkhe bosiyazi betenkholo, isemina yesayensi yetenkholo, ngelwati lwaloko lebebakufundzisa. Kodvwa, ngalelinye lilanga, ufika endzaweni lapho bekati khona kutsi bekafanale abe nalokutsite lokwehlukile, futsi weca lilayini. Ungumfundisi lapha, indvodza legcwaliswe ngaMoya, umshumayeli sibili, siyazi wetenkholo mbamba. Futsi ngiyanicela, bantfu balelidolobha, nakulommango, uma ungenabandla, futsi ufunu kuva liVangeli sibili, wota uve uMnaketfu Neville. Umele Intfo lefanako nalelengiyentako. Ngekwelucobo, lisotja lelilichawe sibili. Sonkhe, lapha, siyamtsandza uMnaketfu Neville. Bekasolo alapha natsi sikhatsi lesidze, futsi siyamtsandza.

¹⁷⁶ Manje uma Jesu Khristu, ngaMoya, atobuya lapha kusihlw futsi ente tintfo letifanako leto Lekatenta ngesikhatsi Alapha emhlabeni, eJudeni nemSamariya, Uyokwenta intfo lefanako kini nine beTive, bangakhi kini labatotsi, "NgitoMkholwa ngenhlitiyo yami yonkhe futsi ngikwemukele khona lapha"? Khatsali kutsi usontsa kuliphi libandla. Loko aku...

¹⁷⁷ Wena utsi, “Ngabe ufunu ngiyekele kuya ebandleni leMethodisti?” Cha, mnumzane. “IBaptisti na?” Cha, mnumzane.

¹⁷⁸ Yani nomakuphi lapho ufunu kuya khona, ngoba Nkulunkulu unebantfwana kuwo onkhe lawomabandla. Impela, Unabo. Futsi wena, mhlawumbe, unguolumunye wabo. Futsi ngiyakutsandza ngalokufanako nje kungatsi bewulilunga laleliTabernakeli laBranham. Akwenti ngisho nalelilodvwa licashata lemehluko kimi. Niyakwati loko ngenkonzo yami, ndzawo tonkhe. Ngikholwa kutsi Nkulunkulu uyabatsandza bantfwana baKhe, akunandzaba kutsi hlobo luni lweluphawu labalubambile. Kunguloko longiko enhlitiyweni yakho. Kodvwa siyanimema nje enhlanganyelweni. Nemukelekile kutsi nite.

¹⁷⁹ Manje, noma ngubani uyati, nani nine bantfu baseJeffersonville niyati, emvakwato tonkhe letintfo letinengi leshtiwo futsi tentiwa, futsi tabiketelwa, tonkhe tato tifezeka ngalokuphelele nje njenge... Bangakhi lapha eJeffersonville lowatiko kutsi loko kuliciniso na? Phakamisani tandla tenu, lowatiko khona lapha manje. Manje, kini nine bantfu labangaphandle kwalelidolobha, niyabona kutsi ngicondze kutsini na? Bangakhi bangephandle kwalelidolobha loke waba semihlanganweni yami futsi wabona kutsi kwenteka ngayo kanye nje indlela Lokwasho ngayo na? Phakamisani tandla tenu, kubantfu baseJeffersonville. Niyabona na? LiBhayibheli latsi, “Emlonyeni wabofakazi lababili noma labatsatfu akuciniswe onkhe emavi.” Emhlabeni jikelele bekusolo kunjalo. Khonake silindzeleni? Sinayo yonkhe intfo etandleni tetfu ngco, ngeNkhosi Jesu. “Usiphe tonkhe tintfo ngesihle.”

¹⁸⁰ Manje sitocala lilayini lalabakhulekelwako. Futsi uma Jesu Khristu atokwenta lapha kusihlw... .

¹⁸¹ Manje, bangakhi kini labatiko ngalesitfombe seNkhosi Jesu, loko kuKhanya? Nonkhe niyati ngaKo, ngalokuphatsekako. SiseWashington, DC, satsatfwa yindvodza lenhle kwendlula onkhe Edgar Hoover labenayo emnyakeni lembalwa lowendlulile, George J. Lacy, encwadzini yeminyatseliso yemino. Sinesigcivito sakhe—sakhe khona ephepheni. Loko, empele ni ku... Watsi wake wacabanga kutsi kwakuyisayensi yengcondvo, ngangifundza imicondvo yebantfu. Watsi, “Kodvwa, Mnumz. Branham, liso lemshina laleyokhamera ngeke litfwebule isayensi yengcondvo.” Watsi, “KuKhanya kwashaya leliso lekhamera.” Futsi sinako konkhe kubhalwe ephepheni, kupuma nalesitfombe, kuKhanya kwashaya liso lekhamera.

¹⁸² Bangakhi losaphila, ngesikhatsi Kucala kubonakala embikwesive lesibantfu entasi lapha emfuleni, ngesikhatsi ngibhabhatisa lawomakhulu entasi lapho ngalolosuku? Kulesakhiwo, phakamisa sandla sakho. Kunetandla letintsatfu noma letine, letisaphila, kusukela emnyakeni leyendlulile,

entasi lapha emfuleni ngesikhatsi Kwehla, neMlayeto weNkhosi wefika. Solo usafana nje! Ngabe Wenta nje loko Lelakusho lapho? Kutsi, lenkonzo lebengiyoyishumayela, beyingacala imvuselelo emhlabeni jikelele, ngaphambi nje kwekuBuya kwesibili kwaKhristu. Bukani kutsi Kwenteni. Niyabona na? Nako kuphuma, lapho, Oral Roberts nabo bonkhe laba labanye. Niyabona na? Futsi emhlabeni jikelele sekuhambile, sonkhe sive, bonkhe bantfu, lonkhe lulwimi. Imililo yemvuselelo iyavutsa, tinkonzo letinkhulu tekuphilisa. Niyabona na?

¹⁸³ Manje, lungelani. Ngekhatsi, ngephandle, noma ngabe ukuphi, yemukelani Khristu. Nitokwenta, kusihlwa na?

¹⁸⁴ Manje, kusukela manje kuyembili, ngiyatinikela cobolwami eNkhosini Jesu, kute ngikhone kutinikela mine lucobo eMoyeni, kukhulisa Jesu Khristu kuphela; hhayi mine lucobo, kodvwa Jesu Khristu; kutsi labantfu laba, bantfu bami, bangani bami, ngekhatsi nangephandle kwalelidolobha, bangati kutsi liVangeli lengilishumayelile li...liCiniso mbamba. NaKhristu ulapha kuLicinisekisa kutsi liliCiniso, ngeLivi laKhe naMoya waKhe.

¹⁸⁵ Sitofanele sibabite munye nje ngesikhatsi sinye. Kute sitobane... Sitocala ngewekucala, Q wekucala. Ngubani lonalo? Uma—uma ungakhoni kusukuma manje, emalunga atokutfwala. Sifuna kutfola wonkhe wonkhe wenu. Q wekucala. Mnaketfu Hickerson, Billy Paul... Noma, lindza, Doc utomsita lapha. Q wekucala, ungasiphakamisa sandla sakho, noma ngubani lonalo. Ucinisekile kutsi loyo bekungu Q? Noma, yebo-ke, o, ngiyacolisa. Kulungile. Yenyuka ngco. Mkhombise kutsi kanjani, etikhalenii tetitulo lapho. Q wekucala. Kulungile.

¹⁸⁶ Wesibili, phakamisa sandla sakho, ngiyacela. Kulungile, dzadze lohleti emuva le ekhatsi *lapha*. Kulungile, dzadze, wota. Phendla indlela yakho khona *ngalapha*; uma nonkhe nitomvumela. Labafana lapho batonisita, boasha nakanjalonjalo. Q wesitsatfu, phakamisa sandla sakho. Wesitsatfu. Ungasiphakamisa sandla sakho, noma ngubani lona Q wesitsatfu. Bonani uma lodzadze ahamba lapha, uma analo lelikhadi. Awu—awunalo? [Lomunye dzadze utsi, “Mnaketfu Branham, ngicelle likhadi. Kodvwa ngibone umngani wami, lome nemfana logulako.”—Umhl.] U—ungeke wakwenta loko. [“Ungeke?”] Cha. Ufanele ulibambe futsi ulalele imiyalo. Sitolutfola loluswane, nakanjani. Niyabona na? Wota nje uma inombolo yakho ibitwa. Loluswane lungefika uma lubitwa. Niyabona na? Kulungile.

¹⁸⁷ Wekucala, wesibili. Ngubani lonelesitsatfu? Phakamisa sandla sakho. wesitsatfu. wesine.

¹⁸⁸ Manje, loko kutsandzeka kakhulu ngawe, dzadze, noma ngabe bekungubani lowo, loyodzadze lobekafuna kwenta loko. Niyabona na? Kodvwa, niyabona, uma—uma inombolo yabo ibitwa, batokuta nje njenge... Uma bangakabitwa, siyatbatfola,

nomakanjani. Niyabona na? Sifuna wena nje endzaweni yakho, kuze ube nendzawo yakho, nawe, uyabona. Uyabona na? Kulungile.

¹⁸⁹ Wesitsatfu. Wesine. Wesihlanu. Q wesihlanu, phakamisa sakho...Emuva le, wesifazane lomncane. Wesitfupha. Kulungile, lensizwa. IWesikhombisa. Lendvodza khona lapha. Wesiphohlongo.

¹⁹⁰ Sifanele sente loku. Niyabona, ungeke wakwenta; utfola nje konkhe kuminyetelene, bewutotsi, "Wonkhe umuntfu lofuna kukhulekelwa."

¹⁹¹ Ake nginikhombise lokutsite, uma nifuna kubona kutsi kungani sifanele sibemise lilayini. Wonkhe umuntfu losekhatsi lapha longatsanza kwenyuka futsi akhulekelwe, phakamisani tandla tenu, wonkhe umuntfu, akunandzaba kutsi ungubani. Bukani lapho. Ngubani lotokuta kucala na? Niyabona na? Kufanele kubekhona umuntfu lotsite.

¹⁹² Billy wehlela lapha, atsatse lamakhadi, bese uyawabhica onkhe embikwenu, futsi anikete noma ngubani likhadi lekukhulekelwa lofuna linye. Ungahle utfole lesihlanu, lesitfupha, futsi ngaletinye tikhatsi sicala kulenyi indzawo letsite. Futsi akwenti mehluko lapho si...Bese kutsi-ke bona ngaphandle kutetsameli baphiliswa sibili phambi kwalaba langembili, ngalesinye sikhatsi. Bangakhi lokwatiko loko, kokubili tihambi ne... Yebo-ke, impela, akukaphatselani nako.

¹⁹³ Wesitfupha, loya uyeta? Wesikhombisa. Wesiphohlongo. Ngubani lonelikhadi lekukhulekelwa lesiphohlongo? Sewuvele unalo? Wemfica.

¹⁹⁴ Wesiphohlongo, wesiphohlongo, sifuna nikutfole manje. Mhlawumbe lomunye ungaphandle. Uma bakhona, lomunye abaphakamise sandla sabo, noma lokutsite, lomunye longaphandle, longakakhoni kungena. Wesiphohlongo. Mnaketfu Collins, ngabe ukhona emuva lapho, likhadi lekukhulekelwa lesiphohlongo, lotama kungena? Kulungile, likhadi lekukhulekelwa lesiphohlongo. Kulungile.

¹⁹⁵ Wemfica. Likhadi lekukhulekelwa lemfica, phakamisa sandla sakho. Mhlawumbe baphumile, abakakhonani kungena. Uma bangena, babafaka elayinini.

¹⁹⁶ Inombolo yelishumi, phakamisa sandla sakho. Lendvodza le emuva le ngemuva. Wota, mnumzane. Ngiyajabula kukubona ubitiwe ngekhatsi. Bewume emuva lapho, imilente inkenketa. Welishumi.

¹⁹⁷ Welishumi nakunye. Phakamisa sandla sakho, noma ngubani lonelikhadi lekukhulekelwa Q welishumi nakunye. Kulungile, lishumi nakunye.

Lishumi nakubili, Q iwelishumi nakubili. Le...Kulungile, lishumi nakubili.

¹⁹⁸ Lishumi nakutsatfu. Lishumi nakutsatfu. Phakamisa sandla sakho nje, ngiyacela, kute ngikhone kubona. Likhadi lekukhulekelwa lelishumi nakutsatfu, Q lishumi nakutsatfu. Lishumi nakune. Lishumi nakune. Lishumi nesihlanu. Mangakhi emakhadi lowaniketile, Billy, likhulu? Lishumi nakutsatfu, lishumi nakune, nelishumi nesihlanu, alikho. Likhadi lekukhulekelwa lishumi nakutsatfu, lishumi nakune, nelishumi nesihlanu, ngabe ukhona lapha? Lishumi nesihlanu, lishumi nesitfupha, lishumi nesikhombisa, lishumi nesiphohlongo, lishumi nemfica, emashumi lamabili.

¹⁹⁹ Q kucala, bese-ke kutfola J, bese-ke nje niyachubeka nehle ngelilayini. Ngicabanga kutsi batama kucedza lawa, kucala, niyabona. Emvakwekuba sesibite lelo, sitongena kulalamanye njengoba sita nje. Utsini? [Lomunye umfo ukhulumu neMnaketfu Branham—Umhl.] Nguloko-ke. Niyabona, sikhipe lamakhadi, manje ekuseni, nebantfu abakakhoni kubuya, mhlawumbe. Niyabona na? Kulungile.

²⁰⁰ Asicale kuloko lokuncane. Kanjani... Sewutsi awulingane nje nelilayini lakho lapho manje? Kulungile. Manje, ngubani lonelishumi nesihlanu, lishumi nesitfupha, lishumi nesikhombisa, lishumi nesiphohlongo, lishumi nemfica, nemashumi lamabili, kubo Q? Emashumi lamabili nakunye, emashumi lamabili nakubili, emashumi lamabili nakutsatfu, emashumi lamabili nakune, emashumi lamabili nesihlanu. Manje banini ngulabalungele nje, masinyane nje uma loku sekuphelile. Sinelilayini leligcwele lapha manje. Sitobese-ke sesita ngco kuwo, sehle ngco ngelilayini, bese-ke sigcumela kuwo onkhe lalamanye emakhadi, bo J, lapho sishiye khona, futsi sichubeke sehlela phansi ngco site sifike ekuphela kwawo.

²⁰¹ Manje hloniphani ngekutitfoba sibili nje kwemizuzwana lembalwa. Manje, ngifisa kwangatsi ngabe besinendzawo yekuhlala. Ngifisa kwangatsi bekungaba khona lenye indlela lebengingenta ngayo loko, kodvwa asinayo. Kodvwa, manje, ngifuna nihloniphe ngekutitfoba sibili nje. Manje, kusesenesikhatsi noko. Yimizuzu lelishumi lesele kushaye insimbi yemfica. Inkonzo itophuma, kulenye ihafu yeliawa. Ngako, loku kukuvalwa kwenkonzo, futsi ngako manje hloniphani ngekutitfoba sibili. Banini ngulabathulile sibili. Ningasolo niyaluka.

²⁰² Futsi bangakhi ekhatsi lapha longenalo likhadi lekukhulekelwa, kepha noko ufunu kukhulekelwa? Phakamisani tandla tenu. Yebo-ke, bandzawo tonkhe nje. Manje, uma ungenalo likhadi lekukhulekelwa, ngifuna kuninika lomunye umBhalo.

²⁰³ Ngalesinye sikhatsi iNkhosi yetfu beyitovusa intfombatanyana, lefile, leyayingakafi noko, indvodzakati yaZakewu. Futsi wesifazane watsi enhlitiywani yakhe,

"NgiMkholwa kutsi unguMuntfu longcwеле. NgiMkholwa kutsi unguMesiya." Futsi bekakadze anemopho iminyaka leminengi. Futsi watsi shelele wadzabula esicukwini wase utsintsa sembatfo saKhe. Nike nayifundza lendzaba?

NaJesu wema, watsi, "Ngubani loNgitsintsile?"

²⁰⁴ NaPhetro waMekhuta. Watsi, "Yebo-ke, bonkhe uyaKutsintsa. Kepha Usholani kutsi, 'Ngubani loNgitsintsile na?'"

²⁰⁵ Watsi, "Ngiphelelwe ngemandla. Emandla, kucina, kuphumile kiMi." Niyabona kutsi wentani kuwe, umbono? "Ngibe butsakatsaka. Emandla aphumile kiMi."

²⁰⁶ Futsi Wacalata, ngale kutetsameli, waze Wamtfola lowesifazane. Bekesaba. Bekacabanga kutsi wente lokutsite lokuliphutsa. Kodvwa Wambuka, futsi Wamtjela ngenkinga yakhe yekopha, wase utsi, "Kukholwa kwakho kukusindzisile." Bangakhi lowatiko kutsi lelo liCiniso na?

²⁰⁷ Manje, kini nine tifundziswa teliBhayibheli, ngabe liBhayibheli liyasho, kutsi, "Jesu Khristu khona manje ungumPhristi loMkhulu, umPhristi wetfu loMkhulu, lonekuvelana nebutskatsaka betfu"? Bangakhi lokwatiko loko na? Yebo-ke, uma AngumPhristi loMkhulu manje lonekuvelana nebutskatsaka betfu, Bekangenta kanjani, uma Anguye itolo, namuhla, naphakadze? Utوفanele ente ngendlela lefanako Lenta ngayo ngalesosikhatsi. Ngabe kunjalo na?

²⁰⁸ Yebo-ke, manje, Akanawo umtimba wenyama manje, ngoba ungesekudla saNkulunkulu. Kodvwa Unemitimba yetfu Lasebenta ngayo, futsi nguMoya waKhe usebenta ngatsi, njengoba Atsi kwakunjalo. "Ngitawuba nani, kini; lemisebenti leNgiyentako, nani nitawuyenta. Leminenyi kunalona niyowenta, leminengi, ngoba Ngiya kuBabe." Bekatokuma endzaweni yetfu. Niyabona na? Kodvwa Bekatosigcoba ngaMoya.

²⁰⁹ Manje, nine khona lapho kutetsameli, bukani ngalapha nje. Futsi ningangibuki mine njengeMnakenu Branham. Uvele utsi nje, "Nkhosi Jesu, UngumPhristi loMkhulu, futsi Ukulesakhiwo. Futsi ngifuna kuKutsinta nebutskatsaka bami, ngiyaKutjela, ngiyagula. Futsi Ukucinise kanye nami, futsi nje vumela uMnaketfu Branham ajike kanjalo, ngaMoya waKho, futsi angitjele njengoba Watjela lowo wesifazane. Loko kutoedza indzaba." Ngiphonsela kukholwa kwakho insayeya, eGameni leNkhosi, kwenta loko. Manje bonani kutsi kucinisile yini noma cha. Wena cela Nkulunkulu loko, futsi ubone kutsi kuyaphuma yini ngaleyondlela nje. Manje hloniphani ngekutitfoba sibili nje.

²¹⁰ Manje ningaletsa tigulane tenu. Noma, lona bekungulendvodza yini? Kulungile. Intfo yekucala elayinini, lencenye lena yelilayini . . .

²¹¹ Kunencumbi yebantfu ekhatsi lapha. Sitama kususa bantfu, bantfu baseJeffersonville; yumelani nje bantfu bangaphandle kwalelidolobha, labacindzetelela kutsi bangene. Ngoba, kuloluhlobo lolu lwelilayini, uma bantfu bekawalapha, ngaseJeffersonville, bebatotsi, “Ngani, uMnaketfu Branham uyabati labantfu. Impela, kunguloko nje.” Kodvwa, kusobala, abakaze babese-Africa, naseNdiya, nase-Asia, nase-Europe, nakuwo wonkhe umhlaba, kuletinye tindzawo. Kodvwa angikwati loko.

²¹² Ngiyakholwa, bonkhe labantfu laba kulelilayini lapha manje, kubukeka kimi kwangatsi batihambi kimi. Ngabe nonkhe nitihambi kimi na? Phakamisani tandla tenu nje uma ningito. Kulungile. Loko kuhle. Bangakhi ngaphandle kutetsameli labatihambi kimi, noma uyati kutsi angati kutsi yini lengalungi kuwe? Noma ngubani nje, akunandzaba kutsi ngubani. Impela, awu, niyabona. Kodvwa Uyakwenta. Manje, angisho kutsi Utokwenta. Kodvwa uma Atsandza, khona-ke loko kuMenta abekhona khona lapha.

²¹³ Manje, lendvodza lapha, ngiyakholwa, iphakamise sandla sayo, kutsi yona nami besitihambi kulomunye nalomunye. Sitihambi. Angikaze ngiyibone lendvodza emphilweni yami. Ngine...[Lomnaketfu utsi, “Angikaze ngikubone.”—Umhl.] Akaze angibone emphilweni yakhe kwaze kwaba ngumanje nje. Singena kulesakhwi, futsi sibonene lomunye nalomunye manje kwekucala.

²¹⁴ Manje, nasi sitfombe lesiphelele saFiliphu ahamba, atfola Nathanayeli, naNathanayeli eta embikwaJesu. Manje, akusiko kutsi unguNathanayeli, noma mine nginguJesu. Manje, ningacabangi loko. Kodvwa seminyaka kamuva, ngesetsembiso lesentiwa ngalesosikhatsi. Futsi nankha emadvodza lamabili langakaze ahlangane emphilweni, njengoba nje lamadvodza lamabili bekanjalo ngalesosikhatsi. Futsi uma Jesu ahlala afana, angawunikela umoya wakhe ekukholweni, futsi nginganikela umoya wami ekukholweni, kuKhristu, ngesiphiwo sebuNkulunkulu saMoya loNgcwele, futsi singenta ummangaliso lofanako. Ngabe kunjalo na? Futsi kungetulu kwemvelo. Utsi, “Nemmangaliso?” Yebo-ke, bengingakwati kanjani, uma ngingakaze ngimbone na? Nati tandla tami. Asikaze sihlangane phambilini. Tsine, naku simile, kwekucala. Nkulunkulu uyamati; mine angimati.

²¹⁵ Manje, khumbulani, banini ningikhulekela. Manje, ngaletinye tikhatsi kule-kulesikhatsi leti, uMoya uyagcoba, bewusolo ukwenta kakhulu impela manje, sekuze kutsi akube...Yebo-ke, ngi-ngifuna nihlale nthlale nje. Hloniphani ngekutifoba sibili. Bukisisani. Banini semkhulekweni.

²¹⁶ Manje, ngifuna wena nje, mnumzane, ngingakwati wena, kodvwa ulapha ngesizatfu lesitsite lengingasati. Kodvwa noma

ngabe kuyini, neNkhosi Jesu itongitjela kutsi ufunani ngaYo, ngaphandle kwekutsi ungitjele, loko bekuyoMenta abe nguloko lengikushito kutsi Bekangiko, itolo, namuhla, naphakadze. Uyakukholwa loko? [Lomnaketfu utsi, “Impela.”—Umhl.] Kulungile. Uyakukholwa loko. Futsi manje tetsameli tiyakukholwa loko. NeNkhosi itsite Itokwenta, eBhayibhelini laYo.

²¹⁷ Manje, naku lapho ngitfolakala khona kukhuluma liCiniso neliBhayibheli laNkulunkulu, noma liBhayibheli letsembise intfo letsite Lelingeke liyesekele, noma ngingumzenzisi; munye noma lolomunye. Niyabona na? Kunjalo. Niyabona lapho utibeka khona. Ngikwentile loko embikwalabanengi, tinkhulungwane letinengi tebantfu, bagceki nabo bonkhe. Kodvwa ngiyati kutsi Uyetsembisa, futsi Uyasigcina setsembiso saKhe.

²¹⁸ NgiyaKubona kucala khona lapha manje. Ngibona bantfu bakutungeletile. Ngembili emihlanganweni lengephandle, asikaze sibe namuntfu longalapho. Niyabona na? Kunebantfu labagulako lapha. Masinyane nje Angacala, ungaMuva. NguMoya loyiNgewe. Hloniphani ngekutitfoba sibili manje, hloniphani ngekutitfoba nje manje, njengoba singakhuluma. Yebo, mnumzane. INkhosi Jesu iyasitsandza sobabili, ngoba singemadvodza lamabili Leyawafela. Futsi sikhatsi setfu sekucala kubonana. Uma usekudzingeni, Nkulunkulu unemandla ekuhlangabetana nalesosidzingo, ngoba Wetsembisa kutsi Uyokwenta.

²¹⁹ Kodvwa manje, lendvodza, uma yetsembekile enhlitiywensi yayo, icaphele kutsi kukhona lokwentekako. Angeke nje acabange kahle hle kutsi kuyini. Kodvwa leyoNgelosi leniyibonako esitfombeni, ita edvutane futsi isondzela kulendvodza, futsi iyafiphala kimi. Nalendvodza iphetfwe yinkhatsato yenhlitiyo, futsi inesifo sashukela. Kunjalo. Lowo ngu USHO KANJE UMOYA. Uma loko kunjalo, phakamissa sandla sakho.

²²⁰ Manje, uma ngingakaze ngikubone, bengingati kanjani noma yini ngawe na? Ngandlela tsite, ngendlela lefanako Layati ngayo lapho. Ngabe kunjalo na? [Lomnaketfu utsi, “Kunjalo.”—Umhl.] Ngabe tetsameli tiyakukholwa loko na? [Libandla litsi, “Amen.”]

²²¹ Manje, kungani—kungani singatsatsi nje sikhatsi setfu, kancanyana nje, kute nitobona kutsi bekungesiko nje kucagela lokutsite. Ake sitsatse lenye intfo, futsi sibone kutsi Moya loyiNgewe utosembulela yini lenye intfo. Asikhulume nje nalendvodza ime lapho, umzuzu nje. Mhlawumbe kukhona lokunye emphilweni yakhe, mhlawumbe kukhona lokunye lokungalungi ngaye. Angati.

²²² Empeleni angati kutsi ngitsiteni. Ngitofanele ngikubone erekhodini lapha, ngoba, niyabona, ngumbono, uyabona kutsi bekakuphi. Yebo, sengiyakubona manje. Kuyintfo letsite ngengati yakhe. Ngushukela, ya, sifo sashukela. Unesifo sashukela, futsi sesibange inkhatsato yenhlitiyo, lesibangele inhlitiyo lenekwetfuka. Sewube nako loko sikhashana. Futsi akasuye wakulelidolobha. Kodvwa wase-Indiana, kusuka endzaweni edvute nendzawo lebitwa ngekutsi yiBorden. Wena... Ngibona iBorden. Uvela eBorden. Lowo ngu ISHO KANJE INKHOSI. Nguloko-ke.

Futsi kukhona lokungalungi emphilweni yakho.

²²³ Nayi lenye intfo. Ngibona wesifazane lobonakala lapha embonweni, ngoba ukhatsal-... Ngumkakho, futsi udzinga kophiliswa lokutsite. Futsi uphetfwе ngulolunye luhlobo lwekukhwehlela. Sifo sesifuba semoya, lanaso.

²²⁴ Futsi wena unalokutsite lokungalungi emphilweni yakho, lobewusolo utama kukwenta. Ngekukholwa, uyiPhentekhostali, ngoba, wena, ngikubona emhlanganweni wePhentekhostali lapho bamemeta khona futsi bashaya tandla tabo. Futsi utama kulala phansi... Uyabhema. Nguloko lotama kukuyekela, kubhema bosikilidi. Loko kunjalo impela. Lowo ngu ISHO KANJE INKHOSI. Lelo liciniso. Akusilo yini? Impela, ngilo. Niyabona na? Uyakhola kutsi Ulapha manje, ukhona? Sewukulungele kwemukela kophiliswa kwakho?

Asikhotsamise tinhloko tetfu.

²²⁵ Nkhosi Nkulunkulu, Lowavusa Jesu Khristu Lkhona manje, lendvodza, Nkhosi, letele tibusiso taNkulunkulu kutsi tiphumule etikwayo, sikhulekela kutsi Utomnika sifiso senhlitiyo yakhe, eGameni laJesu Khristu. Amen.

²²⁶ Buyela ekhaya lakho, ukutfole kunjengoba ukholiwe nje. Nguleyondlela lokutoba ngayo. Nkulunkulu akubusise.

²²⁷ Niyaholwa na? Nkulunkulu Somandla, Lowabhala leliBhayibheli, Loyo uMoya waKhe lokhona la, uyati kutsi angikaze ngiyibone lendvodza emphilweni yami, ngekwati, kute kube nguwona kanye lomzuzu. Kodvwa, ngati intfo yinye, Moya loyiNgcwele ukhona lapha. Angati kutsi Utokwentani, kodvwa ngiyati kutsi Ulapha.

²²⁸ Ngabe lona ngulodzadze na? Kulungile. Ngabe sitihambi lomunye kulomunye na? Yebo-ke, wena—wena—wena ungibonile emhlanganweni, kodvwa angikwati. Kunjalo. Kulungile. Khona-ke, ulapha ngenhloso letsite.

²²⁹ Manje, lowesifazane angahle abe lapha... Angahle abe ngumKhristu; angahle angabi nguye. Angaba ngumceki. Uma anguye, bukisisani nje kutsi kwentekani. Niyabona na? Futsi angati kutsi utele ini.

²³⁰ Make wami uhleti ndzawanatsite kulesakhiwo, wesifazane losakhulile. Bewungacabanga kutsi ngitotama kulimata leyontfo tatane? Ucabanga kutsi ngitota kuye njengemkhohlisi na? Impela bengingeke. Nginganconota nje kuhamba ngisuke langembili bese ngiya ekhaya; sengiwushumayele uMlayeto. Kodvwa loko akusiko konkhe lokuhambisana neMlayeto. Khristu unguye itolo, namuhla, naphakadze. Angikhatsali kutsi live litsini ngako. Sifanele sikumele, empeleni. Nkulunkulu watsi kwente.

²³¹ Njengoba ngingakwati wena; futsi, kusobala, uhleti emhlanganweni, mhlawumbe lapho kunemakhulu nemakhulu ebantfu, bengingeke ngibe nendlela yekukwati wena. Kodvwa nasi sitfombe manje saJohane loNgcwele 4, wesilisa newesifazane, babonana kwekucala. INkhosi yetfu newesifazane waseSamariya bahlangana futsi. Manje bakhulum. Wachumana nemoya wakhe, wati kutsi yimi lebeyingakalungi kuye, futsi wamtjela, futsi waMcondza kutsi unguMesiya. Bewungenta intfo lefanako na? Bewuyoyenta.

²³² Ngabe tetsameli betiyokwenta intfo lefanako, wonkhe wesifazane ngephandle lapho na? [Libandla litsi, "Amen."—Umhl.] Kwangatsi Nkulunkulu angakupha kona. Yebo.

²³³ Lowesifazane uphetfw si—simo sekwetfuka. Sewube naloko sikhatsi lesidze, iminyaka leminengi leyendlula. Ngiyambona noko anguwesifazane losemusha. Kodvwa leyo akusyo intfo lemcoka lafuna ngiyikhulekele. Sifo sematsambo lesimchwalisile. Nguloko lofuna ngikukhulekelele kona.

Manje uyakholwa na?

²³⁴ Asesikhulume naye sikhashanyana. Kwangatsi Moya loNgcwele anganiketa loku. Lowesifazane empeleni uwe—unguwekuhamba. Ligama lakhe nguHanson. Liciniso lelo. WaseNorway noma eSweden, kunye. Awusuye wakulelidolobha. Uwasendzaweni lebitwa ngekutsi yi-Canton. Futsi loko kuseveni lelikhulu lapho kunencumbi yakolo. Futsi yiMinnesota. Ngulapho lawuvela khona. Liciniso lelo. Manje buyela ekhaya; upholisiwe. Jesu Khristu uyakusindzisa. Utjele bantfu kutsi tintfo tini letinhle iNkhosi lekwentele tona.

²³⁵ Ngiyacabanga kutsi sitihambi kulomunye nalomunye. [Lodzadze utsi, "Yebo. Ngiyile emihlanganweni, kodvwa awungati."—Umhl.] Angikwati. Cha, mem. Kodvwa iNkhosi iyakwati. Ulapha ngenhloslo letsite. Angati. Kodvwa uma iNkhosi Jesu itokwembula kimi kutsi utele ini lapha, utokwati kutsi ngabe loko kuliciniso yini. Uma ngita lapha futsi ngatsi, "Uyagula, mfati." Impela, ume elayinini lalabakhulekelwako, loko kukhombisa . . . [Akucoshwanga etheyiphini—Umhl.]

²³⁶ Luhlolo lwakho lukhombisa kutsi unalokutsite lokungalungi ngesibindzi. Watsi bekusifo sekucina kwesibindzi. Kunjalo.

Ngikhuluma naye umzuzu nje. Nje . . . Uyakholwa kutsi iNkhosi Jesu, leyakhuluma nalowesifazane emtfonjeni, nguJesu lofanako namuhla? [Lodzadze utsi, "Yebo."—Umhl.] Üyakholwa na? Ngabe, kubonakala kwangatsi unemoya lomuhle. Awusuye walapha. Uvela emphumalanga, uvela e-Ohio. Kunjalo. Dayton, e-Ohio, kutsi ute lapha. Kunjalo.

²³⁷ Ngibona i . . . Ukhulekela lomunye umuntfu. Lowo ngumfana. Unenkhatsato yenhlitiyo. Unetilondza, naye, luhlobo loluguliswa yimizwa lwemfana. Kunjalo. Futsi ukhulekela umphemufumulo wakhe, ngoba akasindziswa. Lowo ngu ISHO KANJE INKHOSI. Liciniso lelo. Akusilo? Uphilisiwe. Chubeka ubuyele emuva. Mtjele, abe nesibindzi. Jesu Khristu . . .

²³⁸ Ngingakwati, dzadze, ngingakwati. Nkulunkulu uyakwati yena. Uma Nkulunkulu atongitjela kutsi yini inkhatsato yakho, uyangikholwa kutsi ngiyinceku yaKhe na? NgiyaMcinisekisa nje. Niyabona, lengifuna kukwenta kutfola labantfu laba, labeta elayinini lalabakhulekelwako, kubona kutsi Ulapha.

²³⁹ Kukhona lokwenteke lamhlanganweni. Kukhona besifazane lababili labeme lapho nabo, bobabili, tibuko. Lomunye waMtsintska, ngekuvelana nebutaksaka babo. Uma nje bengingambona lowesifazane, yini i . . . Inkhatsato yakho yendlebe, seyihambile manje. Bukanl iodzadze, kutsi ubukeka kakhulu kangakanani njengalon. Bebeme lapho. Bengibabona. Kodvwa lomunye bekenta *loku*; futsi bekute lutfo *kulona*.

²⁴⁰ Sizatfu sako kutsi, lona wesifazane umele lomunye umuntfu. Kunjalo. Futsi lowo wesifazane ungumakhelwane wakho. Futsi unesifo sematsambo. Futsi umelele yena. Futsi ngiyakubona umkhulekela, ngoba akasindziswa. Futsi uyamthandazela. Leyo yintfo lebuchawe. Beka leloduku etikwakhe, lolonalo esandleni sakho. Mtjele kutsi angangabati, nekutsi anikele imphilo yakhe kuKhristu, nesifo sakhe sekucacambelwa matsambo sitomyekela.

²⁴¹ [Akucoshwanga etheyiphini—Umhl.] . . . akhalela, dzadze? Uyamkhulwa Nkulunkulu? Uyangikholwa kutsi ngiyinceku yaKhe na? Uyakholwa kutsi Nkulunkulu angangitjela kutsi ukhala ngani, nekutsi yini sifiso sakho? Uma ukukholwa loko, phakamisa sandla sakho. Uyakholwa kutsi loko kudzabuka kutosuka kuye? Uma utokukholwa, kutohamba. Bani nekukholwa nje. Ungangabati nje.

²⁴² Sawubona? Ngiyacabanga sitihambi lomunye kulomunye. INkhosi Jesu iyasati sobabili. Uyintfombi lencane lenemandla. Kodvwa awukatiteli wena lapha. Ngibona sibhedlela sikhuphuka, umbhedze. Futsi ngumake wakho lolomkhulekelako, futsi usibekelwe kufa. Uphetfwe yinyongo, timila. Futsi unemdlavuza, phindze, sitfunti lesimnyama semdlavuza. Tsatsa leloduku, lolokhalela kulo, ulibeke etikwakhe. Futsi ubite liGama leNkhosi, futsi ungangabati.

Uma ungeke ungarbate, Nkulunkulu utomkhipha lapho futsi amsindzise. Ungangabati manje. Hamba eGameni leNkhosi, futsi ukholwe.

²⁴³ Ngabe nikholisekile kutsi Khristu uyaphila na?

²⁴⁴ Kukhona lokutsite khona...O, ngulowesifazane lohleti emuva ngco emvakwalapho, kulesositulo. Uphetfwe tinhloko. Futsi bekasolo akhuleka eNkhosini, lapho, atama kunakekela lowomntfwana. Ukuvile, dzadze. Sekuphele konkhe manje. Sukuma ume ngetinyawo takho nje, kutsi unike Nkulunkulu ludvumo ngako, dzadze. Nika Nkulunkulu ludvumo nje ngako. Uyabona na?

²⁴⁵ Utsintseni? Akazange angitsintse. Kodvwa utsintse lowomPhristi loMkhulu. Angimati lowesifazane. Angikaze ngimbone, emphilweni yami. Kodvwa Nkulunkulu umphilise ngaso lesosikhatsi nje. Ngabe loko kwenta Jesu abe nguye itolo, namuhla, naphakadze na? Impela, kuyakwenta. Uma ungakholwa nje! Tonkhe tintfo tingenteka kulabo labakholwako.

²⁴⁶ Kushaya tetsameli, lomunye uyakhuleka. Niyabona, kuya ngekutsi kukuphi lapho emandla ekucina abusa ngakhona, lapho uMoya. Ngingalandzela kuphela futsi ngisho njengoba Asho; angati. O, nguwesifazane lofaka tibuko takhe, lobekakhala. Sizatfu bekakhala tinyembeti, kungoba uMoya usetikwakhe. NaKo ke. Leyonkhatsato yematfumbu lobewuphetfwe ngiyo; bani nekukholwa, itokushiya futsi ingaphindzi ibuye. Angimati lowesifazane. Angikaze ngimbone. Akaze angitsintse. Utsintse umPhristi loMkhulu.

Uma ungakholwa!

²⁴⁷ Kushaye lomunye wesifazane. Ngifuna noma ngubani lofuna kukwenta, abuke lapha. Bukani lowesifazane akhala; bukani lona lomunye wesifazane lohleti kahle nje; bukani lolomunye wesifazane losedvute naye, akhala. Bekanenkinga yenhlitiyo, lodzadze lomncane lohleti khona lapho, angibuka ngeyakhe... Ya. Kunjalo. Bewunenkhatsato yenhlitiyo. Bewungenayo yini? Seyihambile kuwe. Kukholwa kwakho kokhele umlilo naNkulunkulu, futsi uMtintsile.

O, loku kuyamangalisa!

²⁴⁸ Uyambona loyadzadze lohleti khona lapho nenhloko yakhe ikhotseme, akhuleka? Wesifazane losamphunga enhloko, sihambi kimi, ahleti lapho. Yebo. Wagucuka, wambuka. Unenkhatsato yenyongo. Bekasolo akhulekela Nkulunkulu kutsi ayisuse kuye. Futsi bewukhuleka ke, "Nkhosi, mvumele angibite" Kunjalo. Uma loko kunjalo, phakamisa sandla sakho. Ngiwati kanjani umkhuleko wakho? Sekuhambile kuwe. Kukholwa kwakho kukuphilisile. Yani ekhaya futsi usindze.

²⁴⁹ Uyakholwa na? Uma ungakholwa nje, tonkhe tintfo tingenteka. Kodvwa ufanele ukholwe.

²⁵⁰ Solo kuhamba kulesosifundza, saloyo lohleti ekhatsi *lapho*. Khona *lapha*, wesibili kusukela ekugcineni, ngumfutfo wengati lephakeme. Uma utokholwa ngenhlitiyo yakho yonkhe, dzadze, sekuphelile. Uyamkhola Nkulunkulu, Mtsatse eVini laKhe? Kulungile. Phakamisa sandla sakho. Nguloko lobewukukhulekelala, “Nkhosi, mvumele akangibite kulokulandzelako, ngalomfutfo wengati lophakeme.” Ngisihambi kuwe. Uma loko kunjalo, jikitisa sandla sakho. Kulungile. Sewuhambile kuwe. Yani ekhaya futsi usindze.

²⁵¹ Niyabona kutsi kuyini na? Kukholwa. Uma ningakukholwa! Niyakholwa na? Niyabona, labobantfu ngephandle lapho, akukho makhadi ekukhulekelwa noma lutfo. Sewukulungele kuholwa na? Ngabe nguleyondlela iNkhosi Jesu leyenta ngayo ngesikhatsi Ilamhlabeni?

²⁵² Lapha, ngabe—ngabe lena, lendvodza iyeta? Kulungile. Awati kutsi loko kwentani, kini nonkhe. ETabernakeli laBranham, manje bukani lapha nje esicongweni sesandla. Niyabona na? Niyati kutsi angikutfoli loko. Kuyini na? NguMoya weNkhosi. Lugcobo.

²⁵³ Bantfu labanengi abacondzi kutsi lugcobo luchazani. Bacabanga kutsi lusho kumemeta. Leyo yinjabulo. Emandla eta acinile. Niyabona na? Leyo yinjabulo yeNkhosi. Lawa ngeMandla eNkhosi; kuphilisa, kululama. Bukani kutsi Wenteni kulentfombatanyana ihleti ngalolobunye busuku, ikhubatekile; kulendvodza leyimphumphutse; kulabanye, ndzawo tonkhe.

²⁵⁴ Sawubona, mnumzane? Ngicabanga kutsi sitihambi lomunye kulomunye. Asatani. Angikwati, futsi nawe awungati. Uma loko kunjalo, phakamisa sandla sakho. Kulungile, kuhlangana kwetfu kwekucala. Hloniphani ngekutitfoba manje. Nayi indvodza, futsi yona nami...yincane kakhulu kunami, netandla tetfu tiphakeme, kulomunye nalomunye, embikwaNkulunkulu, kutsi loku kwekucala kitsi kutsi sibonane. Jesu uyayati lendvodza. Futsi kufanele kubekhona lokungalungi; ime lapho. Angati.

²⁵⁵ Kodvwa uma ngikhulume liciniso, lelo Nkulunkulu laliciinisile kubofakazi labanengi, kutsi nginitjele liciniso, kutsi, “ngemivimba yaKhe saphiliswa.” Sikhatsi lesendlulile. Ufanele utfole loko kukholwa lokumadlakadlaka, kucanca ngetulu kwaletintfo leti.

²⁵⁶ Bukani lomdlavuza unyamalala lapha kusihlwa! Manje bukisisani nje bufakazi bungena kuko, letotitfunti letimnyama tekufa. Dokotela wakho lotsandzekako angahle atame, konkhe langakwenta, kusindzisa imphilo yakho. Kodvwa uma Nkulunkulu asho noma yini, nguloko-ke. Futsi bekungesimi. Angikaphatselani ngalutfo nako.

²⁵⁷ Manje cishe kunemakhulu lamabili lapha labatokhulekelwa. Ngifuna kuphumula umzuzu nje manje. Sitobese-ke sesicala kukhulekela bantfu, sibaletse langembili; hhayi kubahambisa ngelilayini, kodvwa ngime lapha ngibakhulekela. Ngifuna kukhulekela wonkhe umuntfu lofuna kukhulekelwa.

²⁵⁸ Kodvwa kuletetsameli, nalabo labalangembili, ngifuna kutsi nibone kutsi Jesu Khristu ulapha. Ngabe nonkhe niyakwati loko na? Wonkhe umuntfu uyakwati loko? [Libandla litsi, "Amen."—Umhl.]

²⁵⁹ Manje, kuze kucatululwe phakadze emcondvweni wakho. Lendvodza nami, lapha netandla tetfu tiphakamele kuNkulunkulu, kuhlangana kwetfu kwekucala. Uma Atokhuluma imfihlo yenhlitiyo yakhe, njengoba nje Enta kulowesifazane emtfonjeni, noma kuFiliphu, noma entasi kwendlula noma ngukuphi entasi enkonzweni yaKhe, uma Atokwenta loko, ngabe kutofakazela yini kini nonkhe, kutsi ngiYo lucobo, iNkhosi Jesu na?

²⁶⁰ Ngabe kutofakazela nakuwe, mnumzane? [Lomnaketfu utsi, "Yebo, mnumzane."—Umhl.] Anginandlela, anginalwati kutsi inkhatsato yakho iyini. Angati noma usoni noma umKhristu. Ngingeke ngikutjеле. Uyati yena; Nkulunkulu uyati. Kodvwa ngingeke sengikutjеле. Kodvwa uma Angitjela... Kodvwa ungumKhristu. ["Yebo."] Ngoba, utsi nje umoya wakho ungabamba lugcobo lwamoYa lolukimi, uyaWemukela, ngako ngiyati kutsi ungumKhristu.

²⁶¹ Futsi ungaphansi kwelitfunti lelijulile. Kuyintfo lengalungi ngengati. Futsi uyile kubodokotela. Futsi bafuna kukuhlindza, naloko kuhlindvwa kukutsi, Ngiyabeva, nabodokotela lababili babutana lomunye nalomunye, futsi bafuna kukhipha sitfo emtimbeni wakho, lesibitwa ngekutsi lubendze. Kunjalo.

²⁶² Futsi awusuye wakulelidolobha, kodvwa uvela edolobheni lelikhulu lapho kunelikolishi lelikhulu khona leluhlobo lolutsite lwenkholo. YiWheaton. Neligama lakho nguKarl Rhodes, Rhodes, intfo lenjengaKarl Rhodes. Kulungile, mnumzane. Uma utokholwa ngenhlitiyo yakho yonkhe, ungarbuyela ekhaya lakho, futsi Nkulunkulu utosindzisa imphilo yakho. Uyakukholwa na? [Lomnaketfu utsi, "Ngiyakukholwa."—Umhl.]

Asikhulekeni.

²⁶³ Nkhosi Jesu, manje ngicosha lobubi lobu kulomnaketfu. Futsi eGameni laJesu Khristu, kwangatsi angaphilela inkhatimulo yaNkulunkulu. Amen.

Nkulunkulu akubusise, mnaketfu. Endleleni yakho, ujabula!

²⁶⁴ Bangakhi lokholwako manje ngayo yonkhe inhlitiyo yenu?

Manje, ngabe ngulabo kuphela labatokhulekelwa? Kulungile.

²⁶⁵ Yebo-ke, inkhatsato yakho yelicolo seyisukile kuwe ngesikhatsi usahleti lapho, ngako ungahamba ngendlela yakho, futsi ujabule uma ufuna. Futsi chubeka nje, utsi, “Ayibongwe iNkhosi lenhle!”

²⁶⁶ Hamba uyodla kudla kwakho kwakusihlwa. Inkhatsato yakho yesisu seyisukile kuwe, useta la layinini, kuze uhambe uyobanendlela yakho, nawe. Kholwa nje ngenhlitiyo yakho yonkhe.

²⁶⁷ Sifo sakho sekucacambelwa matsambo ngeke sisakuhlupha, uma utokukholwa. Chubeka nje ngco, utfokota futsi udvumisa Nkulunkulu, uma utsandza, mnaketfu. Kulungile. Kulungile.

²⁶⁸ Niyakholwa ngayo yonkhe inhlitiyo yenu na? Bangakhi labamkholwako Nkulunkulu na? Manje ngitotsi nje kuma lapha umzuzwana nje... .



INDVODZA LEBITWE NGUNKULUNKULU SSW58-1005E
(God-Called Man)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo kusihlwa, ngenyanga yeMphala 5, 1958, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Luku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org